

HENRICI PALMATII LEVELING

PHILOSOPHIÆ ET MEDICINÆ DOCTORIS, SERENISS.
ELECTORIS BAVARO-PALATINI CONSIL. AULICI ACTUALIS,
REVERENDISS. ET CELSISS. S. R. I. PRINCIPIS ET EPISCOPI
PRISINGENS. CONSIL. INTIMI ET ARCHIAT. ACT. IN UNI-
VERSIT. ANGLIPOLITANA ANATOMES, CHIRURGICÆ, ET IN-
STIT. MEDIC. PROFESSORIS PUBLICI, ACADD. CÆSARÆÆ
NAT. CURIOS. ELECTORALIS BAVAR. ET SOCIET.
BURGHUSIANÆ MEMBRI

OBSERVATIONES
ANATOMICÆ
RARIORES
ICONIBUS ÆRI INCISIS
ILLUSTRATÆ.

FASCICULUS PRIMUS.



NORIMBERGÆ
in officina Weigelio - Schneideriana

1787.

QUARTUM

JUBILEÆ UNIVERSITATI

RUPERTO CAROLINÆ

HOS SUOS LABORES

D. D. D.

TANTÆ FESTIVITATIS TESTIS

HOSPES ANGLIPOLITANUS.

MURRAY

JOHNSTON & COMPANY

DEPT. OF AGRICULTURE

WASHINGTON

D. H. H.

2-14-1911

2-14-1911

P R Æ F A T I O.

Medicina, quæ temporis est filia, per observationes potissimum excolitur; hac via regia, ut cum GAUBIO loquar, incesserunt olim, hodieque incedunt veri quique medici, quibus bonum & incrementum scientiæ asclepiadeæ cordi est; immanis medicinæ campus, vita brevis ejus perfectionem reddunt quidem difficillimam, indefessa tamen hujus sæculi observatorum industria in singulis medicinæ partibus excolendis, & novis quotidie observatis illustrandis spem facit, futuris temporibus numeris omnibus fore absolutissimam; Sollicita enim historiæ naturalis cultura, observata anatomica tam physiologici, quam pathologici argumenti, sublimior chemia, & accuratum hoc nostro tempore meteorologiæ studium, quantam jam lucem in exponendis œconomiae humanæ locis obscuris, dubiis, vexatis attulerint, neminem latet; sic itaque hiatus, qui adhuc

huc in expositione œconomiae humanae superjunt per nepotes, & avorum & propriarum observationum divites, penitus forte occludentur; praesertim, si ipsam morborum naturam ad exemplum magni STOLLII non tam ex opinionibus, quam ex sedula constitutionis aereae pervestigatione, & ex plenis atque intaminatis practicatorum observationibus ad lectum ægri ipsius universi semel medici determinent. Tam gravibus rationibus incitatus, & Ego magnorum Virorum vestigia premere audeo, & illa, quæ mihi jam per quindecim annos, quibus hic Angli-poli anatomen tracto, notatu digniora inter diffecandum occurrerunt, & impofterum adhuc occurrent, communicabo. Tria hujus Fasciculi I. Capita jam prioribus annis Dissertationum inauguralium loco edideram, & jam demum capiti tertio aliquos addidi §§., nonnullas ossium varietates exponentes, quas eo gratiores futuras esse existimo, cum ad perfectiorem, etiam pathologicam ossium historiam aliquam forte conferent symbolam.

lam. Collegi has Dissertationes in unum Fasciculum, iisdem rationibus, quibus HALLERUS ad opuscula sua pathologica colligenda, persuasus in Præfatione inter alia animadvertens: *Experientia constare exiguas schedas academicas brevi perire, excludi enim a Bibliopoliis, præterea majorem partem in alienas, neque harum rerum cupidas manus venire. Superfunt adhuc alia observata singularium varietatum anatomicarum, etiam rariores casus anatomico-pathologici, quæ huic fasciculo, cujus editionem prius ad nundinas paschales cogitaveram, volui addere, sed a SERENISSIMO NOSTRO ELECTORE, SCIENTIARUM STATORE mihi gratiosissime demandatum iter ad Universitatem Heidelbergensem Jubileam Filium interrumpere jubet, ut levi hac opella observantiæ & æstimationis Mnemosynon ipse afferam. Si supremum Numen vitam & otia concesserit, fasciculus secundus brevi sequetur, & quæ occurrent ulterius, in aliis fasciculis continuabuntur.*

Anglipoli die 21. Octobris 1786.

ELEN-

E L E N C H U S.

CAPUT I. [De Valvula Eustachii & foramine ovali,
pag. 1. — 42.

CAPUT II. De utero bicorni, & vagina ad uterum non
infract. pag. 43. — 114.

CAPUT III. De Fractura, Fissuris, Contrafissuris Cra-
nii, nec non de præternaturali ossium quo-
rundam configuratione, pag. 115. — 162.



CAPUT I.

DE VALVULA EUSTACHII ET FORAMINE OVALI.

§. I.



Valvula Eustachii, membrana, ut verbis ejusdem magni anatomici, a quo nominatur, loquar (*a*), artificii, & admirationis plena quantos habuerit abhinc Commentatores, ILL. LOBSTEIN (*b*) Præceptoris nostri semper cum gratitudine nominandi Dissertatio exponit. Pisa igitur hic recoquere minime mens est, sed cum hæc Dissertatio, jure a magno HALLERO egregia nominata (*c*), præter historiam omnium hujus valvulae fatorum privum hoc ei tribuat, quod quoties valvula integra sit, foramen ovale etiam apertum reperiatur, & vicif-

A

sim




clausum, ubi reticulata; huic sententiæ inconcussum addere robur statui per observationes aliquas rariores huc apprime facientes.


- (a) Libr. de vena sine pari Antigr. XI. pag. 267. & 68. Delph. 1726.
- (b) LOBSTEIN & respond. DIEPOLDT Dissertatio Anatomico - Physiologica. De Valvula Eustachii Argent. 1771.
- (c) Bibliotheca Anat. Tom. II. pag. 571.

§. II.

In cadavere Militis quadraginta annos circiter nati in nosocomio militari hic demortui cum demonstrarem cor, sectionem vero a vena cava ascendente, & descendente inciperem, finumque dextrum forcipe ita dividerem, ut sectio quantum fieri posset, septo auriculis intermedio esset vicina; facili negotio a crure circuli ovalis, seu isthmi sinistro incipientem inveni valvulam, lunæ crescentis figuram referentem, quæ duos arcus efformabat, inferiorem unum ostio venæ cavæ ascendentis accretum, fere semicirculo æqua-



æqualem, alterum auris cavitatem respicientem, qui semicirculum minorem perficit, in omnibus igitur conformem descriptioni ILL. LOBSTEIN (*a*). Cum penitius non nihil hanc valvulam lustrarem, pulchro spectaculo se mihi obtulere frequentia: retro columnam isthmi finistram, ex reticulata sinistriori auriculæ carne, satis vicina calloso circulo, qui aurem inter, & ventriculum interpositus est, secedebant plures fibræ carneæ (*b*), hæ non nihil in auriculam progressæ dimittebant aliquas, quæ in descensu parieti Valvulæ Eustachianæ auriculam respicienti prope arcum ejus venæ cavæ accretum implantabantur (*c*); harum fibrarum major portio collecta efformabat trabem (*d*), quæ inde transversim in cavo auriculæ prolongata, & postea ultra quam cornu antèrius Valvulæ Eustachianæ ascendens carni auriculæ magis anteriori iterum jungebatur (*e*). Infra hanc trabis insertionem secedebat mox ex auriculæ carne trabecula seu filum carne-



um (*f*), quod descendendo nonnihil dividebatur in duas partes, quarum una brevior (*g*), ascendendo nonnihil, vicinam trabeculam transversalem affecuta ei superius necebat, altera longior, & quasi fluctuans (*h*) descendendo mediam fere latioreinque valvulæ partem attingens in duo abibat fila, quorum unum (*i*) mox superficiei auriculæ correspondenti implantabatur in vicinia arcus auris cavitatem respicientis, alterum brevi itinere profundiorē nonnihil hujus valvulæ partem attingens in duo dividebatur fila (*k*), quæ eidem valvulæ superficiei itidem inferebantur, satis vicina fibris illis, quas dixi arcui inferiori accessisse. Cum integerrimam, imo frænulis munitam valvulam conspicerem, ad observandum foramen ovale attentior factus, inveni illud sub semicirculo seu isthmi superioris parte nonnihil dexteriore ita apertum (*l*), ut digitum infantis facile admitteret. Isthmus ipse in omni ambitu erat satis notabilis, & superius crassitie non modica (*m*). Cæterum



rum in pariete sinubus intermedio seu inferius in fossa ovali inveni loca aliqua habitus reticulationi (*n*), similia carneo auricularum reticulo.

(*a*) l. c. §. VI. pag. 10. vid. etiam figur. nost. Tab. I. lit. f, g, h.

(*b*) Tab. I. fig. I. lit. k.

(*c*) Ibid. lit. l.

(*d*) Ibid. lit. m.

(*e*) Ibid. lit. n.

(*f*) Ibid. lit. o.

(*g*) Ibid. lit. p.

(*b*) Ibid. lit. q.

(*i*) Ibid. lit. r.

(*k*) Ibid. lit. s, t.


(*l*) Ibid. lit. d.

(*m*) Ibid. lit. a.

(*n*) Ibid. lit. eee.

§. III.

In cadavere foeminæ ob furta capite plexæ cum in Valvulam Eustachianam inquirerem, inveni ad ejus arcum auris cavitationem respicientem seu ad initium semicirculi minoris frænulum satis forte annexum (*a*): pergebat illud ad papillam carneam (*b*), quæ ex carne auriculæ posterius



sterius ad marginem ellipticum posita protuberaret illo scilicet loco, quo jam §. antecedenti observavimus plures fibras carneas (c) secessisse; tam frænulum quoad figuram, quam papilla apprime conveniebat cum illis, quæ ad valvulas trigloches solent observari. In parte Valvulæ Eustachianæ latiori magis vicinæ foraminula reperiiebantur pluscula, non tamen tam copiosa, ut reticulum efformarent. Cum in foramen ovale inquirerem, & hic illud sub isthmo dextro apertum inveni, diametro calamum mediocrem facile admittente. Ovalis foraminis margo circum circa erat extenuatus, seu, ut rem dicam, membrana intima ex uno ad alterum finem continua ovale orificium subtili plica circumscribebat.

(a) Tab. II. fig. I. lit. α .

(b) Ibid. lit. β .


(c) Tab. I. fig. I. lit. k.

§. IV.


In cadavere viri ad opera publica condemnati observationes habui circa foramen



ramen ovale speciosas ad eundem Valvulæ Eustachianæ usum, roborandamque stabilitam jam sententiam contra hypothesein Meryanam (*a*); suppeditant enim illæ invictissima argumenta ex ipso naturæ artificio petita. Erat scilicet foramen ovale infra isthmum solito sinisterius (*b*) apertum; isthmus vero foramen ipsum profunde descendendo ita tegebat, ut ad illud lustrandum opus fuerit ejus elevatione, nonnullaque ad superiora reclinacione (*c*). Isthmus ipse, seu annulus fossæ ovalis integri instar circuli fossam ovalem circumscribebat (*d*), paries autem finibus intermedius fuit latissimus (*e*). Valvula Eustachiana integerrima & satis robusta observabatur, in hoc tamen a consueto naturæ tramite aberrans, quod cornu ejus posterius ob sinistram isthmi partem circulum integrum perficientem, atque ideo dexterius inclinatam ab illa hic solito esset remotius (*f*). Cum jam sinum sinistrum aperirem ad penitus aperti foraminis examinanda rudera, ecce ducto
ex



ex parte sinus dextri stylo exploratore, mirari satis non potui, quod non penetraret ob membranam valvulosam transitum morantem. Hoc phœnomeno attentior factus cum voluptate vidi: quod plica parietis communis tunica intima attracta duplici mox infra foramen ovale, & ex ejus vicinia novem lineas parifinas lata, & ad septem fere lineas elevata assurgeret(*g*), sicque valvula hinc & inde in vicinam pulmonalem venam producta efformaretur, hac vero ascensione bina cornicula, dextrum altius & longius(*h*), finistrum brevius atque declivius(*i*) nascerentur. Velare igitur spatium ad modum valvularum venosarum cum auricularum communi pariete interceptum apparuit, cujus paries exterior commune septum(*k*), interior vero valvula esset(*l*), quæ convexitate sua in sinum finistrum emineret(*m*). Parabolici spatii basis sive ostium cavi ita producti(*n*) ob altiolem corniculi dextri ascensum, depressamque finistri sedem versus auriculam ventriculumque cordis finistrum



strum fatis erat inclinatum (*o*), & facile admittebat digitum indicem in spatii velaris capacitatem fat amplam (*p*). Quoties tamen periculum feci in libero semilunari veli margine inter cornicula intercepto (*q*), reperi aliquid subtenfi, quo videbatur fieri, ut omnis valvula parieti communi esset quam maxime vicina, neque sine rudiore aliqua ejus elevatione foramen ovale, ad spatii velaris fundum seu valvulæ aggerem (*r*) apertum (*s*), in sinu sinistro conspici posset. Subtilis illa marginem foraminis ovalis circumscribens plicula vid §. anteced. & hic non defuit.

(a) HALLERUS Element. Physiol. Tom. I. §. LI. pag. 392. postquam & sua, & aliorum de hac opinione sensa protulit, ita concludit: „ His fere rationibus aliisque, „ quæ me forte fugerunt, factum est, ut „ tota nupera schola contra Meryum „ senferit, & aliqui Cl. Viri etiam quando tempus litem in Gallia sedaverat, „ contra novam hypothesin magni momenti rationes protulerint, „

(b) Tab. II. fig. II. lit. D.


(c) Ibid, lit. C.

B

(d) Ibid.



- (d) Ibid. lit. BBB. Dum hunc annulum describit HALLERUS Icon. anat. fasc. IV. pag. 4. ad N. 4. ait: Superius super valvulæ oram superiorem & anteriorem & arcum refert circularem, ex eo arcu duæ columnæ descendunt, earum dexterior minus eminens rectior est, & paulum introrsum descendit. Sinistra crassior & validior aurem inter & fossam ovalem eminet, & post quam eduxit Eustachii Valvulam, sine paulum introflexo, plerumque definit, ut sæpe magno intervallo ab ima dextra columna distet. Idem fere statuit in Operib. min. pag. 38. lit. g.
- (e) Tab. II. fig. II. lit. E. VIEUSSENSIUS illam Tab. XII. fig. I. enormem ex morbo pingit. Hæc nostra omnino ovalis grandisque, intra integrum circulum circumferibentem profunde satis depressa tenuisque, neutiquam autem ex morbo nata fuit.
- (f) Ibid. lit. F.
- (g) Ibid. fig. III. lit. B.
- (h) Ibid. lit. D.
- (i) Ibid. lit. C.
- (k) Ibid. fig. IV. lit. E.
- (l) Ibid. fig. IV. lit. B.
- (m) Ibid. fig. III. lit. B.
- (n) Ibid. fig. III. α , β , γ , δ .
- (o) Oportet notare hujus figuræ situm in hac tabula quidem ad lucrandum spatium per,



perpendiculararem esse, qui in natura transversalis, & magis declivis fuerat.

(p) Ibid. fig. IV.


(q) Ibid. fig. III. & IV. β , γ , δ . Hæ litteræ uti inserviunt ad parabolici spatii basin, seu ostium velaris spatii indicandum, sic simul seminularem marginem designant.

(r) Ibid. fig. III. & IV. δ , ϵ , ζ .

(s) Ibid. fig. IV. lit. F.

§. V.

Si illorum, quæ hæctenus dicta sunt anacephalæosin instituimus, ea apprime conveniunt cum illis, quæ severo examine ex ipsa partium fabrica seduli hæctenus observatores contra MERYUM omnesque ipsi adhærentes evicerunt, & ad præcipuum Valvulæ Eustachianæ usum stabilendum adduxerunt. Ipsa hæc observata suppetidant adminicula, quibus naturam ob illa, quæ hic vel prodiga vel coacta addidit, operantem in actuprehendere & agnoscere possimus. Hinc bene ILL. LOBSTEIN in naturam Valvulæ Eustachianæ inquirens concludit (a): „Hoc „modo non iners illa est valvula, sed &



„ viribus suis muscularibus instructa, qua
 „ in re a reliquis valvulis venosis discre-
 „ pat, cum aliis vero usui majori præfi-
 „ xis concordat naturæ instituto sapienti. „
 Certe hæc valvula prima nostra in obser-
 vatione conf. §. II. summam acquirit præ-
 rogativam præ aliis valvulis venosis, si ap-
 paratum illum cogites trabis carneæ (*b*),
 frænulorum jam ad cornu posterius(*c*), jam
 a cornu anteriori, ad latiore[m] valvulæ par-
 tem accedentium (*d*); si igitur ob intri-
 catas valvulæ nostræ fibras carneas merito
 comparetur (*e*) cum valvulis arteriarum
 ex corde prodeuntium; cur non geminas
 illas quas observavi, valvulis ventriculo-
 rum cordis adnumerem? similibus enim
 non tantum erant roborata frænulis, sed
 quod observatu pulcherrimum fuit, ipsa
 ex auricula se aptabat papilla (*f*), similis
 illis ventriculorum cordis, quæ a margine
 semilunari Valvulæ Eustachianæ firmum,
 & sat longum reciperet frænulum (*g*).

(*a*) *b*, *c*. §. VII. pag. 13.

(*b*) Tab. I. fig. I. lit. m.

(*c*) Ibid.

(c) Ibid. lit. l.

(d) Ibid. lit. q, r, s, t.


(e) ILL. LOBSTEIN l. c. §. VII. pag. 12.

(f) Tab. II. fig. I. lit. β.


(g) Ibid. lit. α.

§. VI.

Per illum frænulorum apparatus ad
Valvulam Eustachianam his in observa-
tionibus repertorum inconcussum acce-
dit robur verbis ILL. LOBSTEIN hujus val-
vulæ usum ita illustrantis (a): „ Sic ergo
„ parieti firmo his in locis sanguis insi-
„ stit, & valvula ista ostio venæ cavæ
„ implicita cavitatem sinus & auris scite
„ complet. Quod si autem usum quem
„ in cadavere experimur, non adeo accu-
„ rate hæc valvula præstat, non omnem
„ ambitum venæ cavæ tangens, perpen-
„ damus necesse est, quod imminentis
„ sinus fornix fibris gaudeat muscularibus,
„ quæ sua contractione perficiunt id quod
„ sola valvula præstare non videtur. „
Meis in observationibus Valvula Eusta-
chiana præter vires fornicis habuit etiam ex
fræ-



frænulis, ejus descensum limitantibus, efficacissimas, his præsertim in locis præsentibus, ubi visurgens est impetuosior, in cornu videlicet posteriore, & in valvulæ latissima locis descensui sanguinis venæ cavæ descendentes maxime expositis. His igitur observatis ad evidentiam usque demonstratum esse, contendo: quod hæc valvula impediatur, ne imminens venæ cavæ descendentes columna sanguinis recta in venam cavam ascendentem ruere possit, & ascensuro sanguini perpetua impedimenta ponere; dein dum valvula hæc, egregie hoc statuente TREW (b), ob situm & insitam vim resistere potest sanguini, qui sub cordis systole a valvulis tricuspidalibus ad auriculam retropellitur, quanto efficacius hoc non præstiterit frænulis roborata? notandum enim: impetum ex duplici jam notata potentia Valvulæ Eustachianæ advenire potissimum sub auriculæ sinusque dextri diastole: dilatata itaque auricula attrahet necessario frænula, quæ quo potentius retracta fuerint,




rint, eo efficacius valvulam contra mole-
lem apprimunt, facientque resistere.

(a) l. c. §. IX. pag. 15.

(b) de Different. inter nasc. &c. pag. 54. & 55.


§. VII.

Neque nimium mihi dicere videor;
si his frænulis ad Valvulam Eustachianam
adnexis, quæ, uti prius adverti, descen-
denti sanguini venæ cavæ superioris, &
retropulso auriculæ, dum valvulam re-
tinet, obices ponunt, aliam quoque po-
tentiam attribuam adversus sanguinem ex
vena cava ascendente advenientem, ita-
tuamque: horum frænulorum artificio po-
tissimum fieri, ut sanguis facilius ad fos-
sam ovalem perveniat, valvula his fræ-
nulis roborata difficilior in reticula dege-
neret, sicque limbus valvulæ ovalis in
finu sinistro retro isthmum positus ac-
crescere nequeat, atque foramen ovale
etiam in adultis apertum inveniat.
Communis enim, hisque frænulis non
instructa & evacuata valvula facile ce-
dit,



dit, cum ad eam ex vena cava inferiore sanguis urgetur, notante id fideli naturæ interprete ILL. LOBSTEIN (a) „ Dum „ auris se rursus restituit antea contracta, „ valvula illa venæ cavæ in aurem degeneranti quasi præbet additamentum, ut „ emineat tota sua expansione longius „ versus auris cavum; fit igitur quasi tubus longior, cum opposito latere venæ cavæ in sinum abeuntis, qui immediate continuatur in ostium ovalis foraminis, ut illud impellere sanguis valeat, a vena cava descendente proveniens. „ Ex his sic infero: si ista contingunt potissimum illo tempore, quo auris se restituit, hoc etiam momento observata a me frænula potissimum vim suam exercere necesse est: tracta igitur ob dilatatam auriculam & ipsa traxere Valvulam Eustachii, tubumque fecere & longiorem, & latiorrem. Valvula igitur duas inter potentias tensa parietem elevavit & reclinavit magis, sicque directioni sanguinis ad fossam ovalem apprime faventem effecit.

(a) l. c. §. X, pag. 16. & 17.




§. VIII.

Ex ipso igitur hoc frænulorum situ & ordine omni jure id statuere licet, quod ILL. LOBSTEIN de fibris carneis, quæ in fabricam Valvulæ Eustachianæ intimam se insinuant, suspicatus est (a): „Esse scilicet in causa, ut resisterent maxime sanguini in loco, ne posset deorsum labi, traherentque quasi sanguinem versus ostium foraminis ovalis in ejus valvulæ loculamento hærentem. Esse fortasse & illud, quod ita resisteret sanguis in loculamentum intrusus, ut fibræ musculares suam actionem mutarent, uti alias eas mutare novimus, trahentque nunc illum anulum ovalem versus ostium venæ cavæ, cui valvula applicata est, ut rueret dein hoc modo per foramen apertum. „ Ultimo sane hoc in casu trabes illa carnea transversalis (b) egregium potuisset habere usum: primo enim Valvula Eustachii jam roborata ab intruso in ejus loculamentum sanguine ex vena cava inferiore, dein plures illæ fibræ carneæ (c)

C

parie-



parieti Valvulæ Eustachianæ implantatæ, potissimum autem trabes illa transversim progrediens actione mutata fossam ovalem versus venam cavam deprimere deberent, idque eo efficacius, quo majus subsidium in hac actione filum illud longioris frænuli propago (*d*), ad trabem illam accessorium, vî situs conferre potuit.

(*a*) l. c. §. XIII. pag. 23.


(*b*) Tab. I. fig. I. lit. m.

(*c*) Ibid. lit. k.


(*d*) Ibid. lit. p.

§. IX.


Considerando metamorphoses, quas Valvula Eustachiana subit, ut jam præternaturaliter reticulata (*a*) sit, jam tota valvula in carnis similitudinem abeat (*b*), jam a lineæ latitudine ad dimidiam unciam usque per omnes intermedios gradus variabilis reperiatur (*c*), imo jam in fœtu, rarissimo tamen exemplo, lacera appareat, in margine filamenta fluitantia habeat, lacerationis indicia (*d*); hæc
in-



inquam considerando posset forte objici: frænula a me observata, partium jam destructarum indicia esse ad valvulam hærentia. Verum frænulum illud adeo notabili papillæ carneæ implantatum satisque robustum (*e*) hæc objectio tangere non potest; magis forte suspecta possent esse illa, quæ in Tabula I. longa, fluitantia cum trabe connexa reperiuntur. Sed in figura illa exactissime ad naturam expressa illud perpendendum omnino est, quod situs trabis carneæ profundior fuerit, & versus auriculam a Valvula Eustachiana remotior, non margini ejus liberæ, sed aggeri dictæ valvulæ potius parallelus (*f*). Frænulum illud, quod a valvulæ cornu antèrur surgit, directionem observat usui, ad quod destinatur, quam maxime congruam; imo cum necessaria hujus frænuli ad assequendam valvulæ latioreni parietem longitudo vires perderet, atque magna illius gracilitas rupturæ periculum inferret; admirari satis naturam non possumus, quomodo filo ad trabem carneam misso his omnibus cau-



tum sit (g). Si tandem frænuli hujus im-
plantationem per divisa certo ordine fila,
non ad marginem, in qua destructionis ru-
dëra potius essent reperiunda, sed profun-
de satis ad illam valvulæ superficiem (h),
quæ aurem respicit, factam fuisse perpendi-
mus; non a tempore, non ab impetu, sed
operosa natura hæc frænula efformata ef-
se, non dubitabimus: idque eo minus,
quo certius in consueto naturæ tramite
hanc valvulam artificii plenam & fibris
muscularibus duplici loco surgentibus in-
structam reperiamus, quæ activæ valvulæ
membranaceam partem versus originis lo-
cum, id est foramen ovale tendunt. Cæ-
terum ipsas valvulas his frænulis ditatas
& illis viribus non fuisse destitutas per
transparentem plicam membranæ, valvu-
lam constituentis, apparuit. Penitius ve-
ro in illa inquirere, nec necessum duxi, nec
etiam, quæ Cimeliarchæum nostrum ornare
debuerant observata, hac inquisitione de-
struere volui. Frænulorum natura alba
subfirma erat, non tamen tendinis natu-
ram



ram referebat; potius diceres fuisse tunicam auriculæ intimam in cylindros convolutam, carneasque protractas portiones includentem, per quas tandem cum ipsa valvula cohærebat, aut ut rem dicam, in illam iterum explicabatur.

(a) vid. HALLERUM Icon. anat. fasc. IV. Tab. I. fig. 8. lit. z.

(b) Idem Element. Physiol. Tom. I. pag. 319.

(c) Ibid. pag. 317. & oper. m. Tom. I. pag. 40.

(d) vid. ILL. LOBSTEIN l. c. pag. 11. in nota f. §. VI.

(e) Tab. II. fig. I. lit. α, β.


(f) Tab. I. fig. I. lit. m.

(g) Ibid. lit. p.


(h) Ibid. lit. r, s, t.

§. X.

Verissimus igitur est ILL. LOBSTEINII(a) canon: „ Quod, quotiescunque valvula „ illa fortis sit, & ita claudere continua- „ verit ostium cavæ venæ ascendentis, „ nec limbus ejus fuerit detritus, imo le- „ gitime increverit cum sinu & aure, to- „ ties in adultis ostium foraminis ovalis „ aper-



„apertum manserit. „ Veritatem hujus asserti tria illa figuris expressa (*b*), quæ in Cimeliarhæo nostro asservantur, præparata testantur. Et sane si integerrima valvula hoc præstare debet, uti & illa fortior solitoque crassior (*c*) hoc præstitit; quanto certius hoc erat expectandum a duabus aliis valvulis (*d*), frænulis ab artificiosa natura munitis. Imo licet valvula illa in cadavere capite plexæ reticulata ad partem ejus mediam, cornui anteriori propiorem (*e*), inventa fuerit, & hinc viribus fracta sanguini venæ cavæ ascendentis satis resistere non potuerit, unicum tamen ejus frænulum robustum (*f*) papillæ satis insigni implantatum, tantum ipsi videtur adhuc conciliasse virium, ut non obstante hoc reticulo sanguinem tamen satis potenter ab auricula arcere, & versus fossam ovalem determinare, atque sic apertum quoque servare foramen potuerit. Cur autem his in subjectis tanto ad Valvulam Eustachianam apparatus natura usæ sit, res est sane



fane altioris indaginiſ : an forte feverior auriculæ actio, an ſanguinis pondus ſpecificè gravius, an parcior fibrarum carnearum in plicam valvulæ ſe inſinuantium numerus hæc adminicula popoſcerint, conjici facilius, quam ſtatui poteſt.

(a) l. c. §. XI. pag. 18.

(b) vid. Tab. I. fig. I. lit. d. Tab. II. fig. I. fig. II. lit. D.

(c) Tab. II. fig. II. lit. F.


(d) Tab. I. fig. I. lit. f, g, h. Tab. II. fig. I. lit. G.

(e) Tab. II. fig. I. Lit. G.

(f) Ibid. lit. α , β .

§. XI.

Quod ILL. LOBSTEIN (a) obſervavit: exiſtente ſcilicet Valvula Euſtachiana integra partem ſemper valvulæ ovalis ſeu parietis auricularis integerini valde tenuem eſſe, triplici etiam hac mea in obſervatione reperi. Sic præſertim ſpatium illud foſſæ ovalis & latiffimum (b) erat, & ſimul tenuiſſimum, atque luci omni in ambitu quam maxime pervium. Reticulatam



latam insuper parietis integerini quibusdam in locis fabricam (c) robustiori itidem Valvulae Eustachianae deberi, quis non videt: quoties enim reticulata est, statuit HALLERUS (d): „ Videtur magnum „ conatum sanguinis a vena cava contra „ valvulam nitentis fibras ejus separasse, „ & reticulatam ut in Eustachii Valvula „ fabricam induxisse, quem deinde impetum sustinuit altera crassior posterior „ lamina ad sinum pertinens sinistrum. „ Istimum crassiozem illis in subjectis, in quibus foramen ovale apertum uti observavit ILL. LOBSTEIN (e), & ipse habui triplici hac in observatione, praesertim in illa, in qua Valvula Eustachii pluribus fraenulis erat munita (f). Quam admiranda & hic est naturae sedulitas! an non solito crassior circuli ovalis pars immediate supra foramen ovale posita a constrictione auricularum turgida forte recuperat illud, quod a natura neglectum fuisse, male arguitur (g). Dum enim isthmi usum explicat ILL. HALLERUS (h), inter alia notat: „ Crassum „ sum



„sum hunc annulum constrictum resistentias ponere sufficientes, ut sanguine sisteretur valvula ovalis vinci non possit, in sinu dextro vero sanguis venæ cavæ descendens arceatur.„ Si igitur in fœtu tanta cura; quanto majorem naturæ virtus & ordo requirunt in adulto, in quo hiatus ille claudi non poterat. Ipse ille vi fabricæ major ad hanc partem sanguinis impetus ad illam annuli crassitiem forte non parum contribuit.

(a) l. c. §. XI. pag. 19.

(b) Tab. II. fig. II. lit. E.

(c) Tab. I. fig. I. lit. e e e.

(d) Icon. anat. fasc. IV. pag. 4. ad fin. n. 3.

(e) l. c. §. XI. pag. 18.

(f) Tab. I. fig. I.

(g) In triplici mea observatione pars columnæ ovalis seu isthmi, quæ immediate foramini aperto imminet, ob crassitiem suam ita descenderat, ut non nisi illa ante elevata foramen in conspectum venerit.


(h) l. ant. cit. pag. 5. n. 4.

§. XII.

Si illa naturæ in producenda crassiore annuli ovalis parte immediate supra

D


aper-



apertum foramen ovale sollicitudo (vid. §. ant.) mira nobis est visa, quanto magis illam merito admiramur in notabili sinus sinistri (§. IV.) descripta valvula. Ad hoc phænomenon explicandum consultum omnino erit, consueta naturæ artificia rimari, quibus in obliterando hoc foramine utitur, ut quid hoc in subiecto iisdem, vel forte etiam efficacioribus subsidiis fecerit, determinare, rationemque reddere possimus, cur lusus hic contingant frequentiores.

§. XIII.

Penitius rem exploranti observare contingit, quod natura, quæ primis fœtus temporibus coacta, hanc viam inter utramque auriculam liberam relinquit, dein tota quanta sit occupata in stabilien-
dis adminiculis, quibus hoc foramen claudi possit. Juvat hic contrahere illa, quæ SUMMUS HALLERUS accurate & sæpe, ut ipse fatetur (a), -vidit: Uti enim primis temporibus, quibus nullus in corde dex-
ter



ter est ventriculus, & quibus canalis auricularis in utramque jam separatam aurem ducit, totum foramen patet, neque a valvula adhuc arctatur; sic tertio jam mense septum auriculare incipit apparere (*b*), & hoc jam tempore valvula ad latera per cornicula (*c*) prolongatur. Pergunt illa crescere, & septimo jam mense supra isthmum sunt posita, & semilunaris, qua excinditur, figuræ pars ima supra isthmum apparet; in adulto foetu duabus; tribusve, etiam $3\frac{1}{2}$ lineis super viam cavas aurium conjungentem valvulæ cornicula elevata sunt, & ipsa valvula unam duasve lineas suæ longitudinis in sinistro sinu pone isthmum huic applicatas habet (*d*), & eo robore firmatas, ut, etiam si cordi hepar appensum reliqueris, quod tamen pondere suo ad detrahendam valvulam, & abducendam ab annulo perpetua vi utitur, a pariete sinus valvulæ non recedat (*e*). Corniculis igitur potissimum firmatur hæc valvula, ne cedat sanguini a sinistro sinu impulsio (*f*). Pergit hæc



vis in infante jam nato augeri, & cornicula in adulto homine, semper apparent carnea, firma & valentia. Utilitas cæterum corniculorum minime dubia est; firmant valvulam, ne deorsum a sanguinis fluento depelli, neque ab annulo removeri possit, principium quoque & fundamentum futuræ adhæfionis præbent (g).

(a) Tom. VIII. §. XLV. pag. 376.

(b) Ibid.

(c) Ibid. pag. 377.

(d) Ibid.


(e) Icon. anat. fasc. IV. pag. 6. n. 6.

(f) Element. Phyl. §. XLI. pag. 391.

(g) Icon. anat. fasc. IV. pag. 8.


§. XIV.

Non a vero igitur me aberrare existimo, si vim corniculorum, in quæ valvula illa latior, & supra foramen ovale altissime ascendens prolongatur (vid. §. IV.) hic solito efficaciorum atque hujus prolongationis causam primariam dixerò. Quid enim rationi & observationi magis consentaneum, quam illa, quæ in consuetona-



naturæ tramite mediocrem, & analogam exhibent fabricam, causis iisdem, sed efficacioribus in insigniorem mutari. Videmus jam in architypo valvulæ eam naturam esse, ut aliquas lineas supra isthmum in sinu sinistro se elevet (conf. §. ant.): videmus cornicula jam in primis suis rudimentis semper magis magisque ascendere. „ Valvula igitur illa notante ILL. „ HALLERO (*a*) ascendit in maturo fœtu „ & in ipso jam septimestri embryone ita „ alte, ut ejus pars superior retro isthmum sit, neque, omnibus partibus sibi „ relictis, ullum foramen appareat. Uni- „ ce via est, quæ oblique sursum ducit, „ inter isthmi faciem posteriorem & anteriorem valvulæ; obliquus ergo hiatus „ est, non foramen, cum solidæ partes solidis partibus opponantur. „ Causas igitur oportet hic valentiores fuisse, quæ limbum liberum altius attraxerint. Locus ipse ad insolita videtur dispositus, & mutationibus eo evidentioribus expositus, quo magis in evolutione partium etiam .

ex



ex lege naturæ consueta mutetur (b): quam facili igitur negotio potuit contingere, ut ipsa cellulosa solito efficacior harum mutationum præcipua causa hoc in subiecto fuerit, præcipue, si cornicula ipsa in primigenio architypo fuerint nonnihil valentiora. Cellulosam enim omne genus flexionum facere pro vario robore suo & pro firmitate fundamenti solidi, ad quod adtrahit (c), familiaria & quotidiana loquuntur exempla. Firmitas fundamenti solidi magna sane, si non maxima, erit quærenda in septo auricularum intermedio latissimo (conf. §. IV.); circulus enim ovalis inde major, ramisque suis magis distans cornicula, quæ supra illum in sinu sinistro satis alte (conf. §. XII.) ascendunt, extendit, cornicula vero sic extensa limbum liberum efficacius expanderunt, altiusque elevarunt. His si addimus: familiares esse in sinu sinistro præsertim ad illam valvulam naturæ lusus, quales plures ob fibras in variis subiectis varia ratione accessorias legere possumus apud

ILL.



ILL. HALLERUM (*d*); omnino perspicimus: quo artificio factum sit, ut natura, in foramine oblitterando impedita aliis adminiculis usa sit, quibus sedulo protegeret, quod oporteret esse clausum.

(*a*) Icon. anat. fasc. IV. pag. 5. n. 5.


(*b*) Oper. m. Tom. I. pag. 39. pag. 44. fig. 3.

(*c*) HALLERUS Element. phys. Tom. VIII.
§. XIX. pag. 302.


(*d*) Ibid.

§. XV.

Illa igitur (§. IV.) descripta latior, longiorque solito valvula proxime convenit cum illis, quas WERHEYEN (*a*), MORGAGNUS (*b*) & HALLERUS (*c*) jam observarunt; singularis insuper a MANGETTO ex LITTRIO adnotata observatio summo-pere per hanc nostram illustratur, & quod ob illam LITTRII observationem suspicatus est MORGAGNUS, verissimum fuisse jam in propatulo est. Rei dignitas jubet integrum MORGAGNI textum hic inferere ita dicentis (*d*): „Quin imo in ipso sacculi
„ ex-



„ extremo fundo inter hunc & ovalis fo-
 „ raminiis anticum, supremumque mar-
 „ ginem adhuc apertam cruori viam per
 „ exiguam pluries vidi, semel vero ejus-
 „ modi, ut manubrioli scalpelli acumen
 „ nullo negotio in venam cavam transmit-
 „ teret, idque in muliere, semel denique
 „ in viro annos facile quadraginta nato
 „ eandem viam usque adeo apertam com-
 „ peri, ut apicem ipsum minimi digiti ad-
 „ mittere ferme posset a parte quidem
 „ venæ cavæ; nam quo magis inde ad fa-
 „ culi orificium pergebat, eo magis instar
 „ conici tubuli contrahebatur. Quæ qui-
 „ dem postrema observatio ut isti pror-
 „ fus contraria est, quam in alio viro CL.
 „ LITTRIUM habuisse, refers, ita priores
 „ illæ suspicionem injicere videntur, an-
 „ non istud orificium, quod *a parte venæ*
 „ *pulmonaris triplo grandius, quam a*
 „ *parte venæ cavæ* LITTRIUS invenit, ad
 „ descriptum potius a nobis sacculum,
 „ quam ad ipsum foramen ovale pertine-
 „ ret, hoc est annon minor hiatus queni
 „ in




„ nī vena cava conspexit, ille quidem non
„ foramen totum ovale, sed aliqua dum-
„ taxat ejus pars esset ob valvulam non
„ undequaque cum foraminis margine
„ conglutinatam adhuc aperta; major au-
„ tem alter hiatus, quem in vena pulmo-
„ nari vidit, nihil aliud esset, quam quod
„ nos orificium sacculi nuncupavimus;
„ quod sane ejusdem sacculi fundo la-
„ tius plerumque deprehendimus. „ Rem
ita se habuisse ipsa nostra in observatio-
ne, natura ostendit, & figuræ cum saccu-
li(e), tum ejus fundi per foramen ovale
interrupti(f), atque etiam orificii latioris,
& venam pulmonalem respicientis abunde
testantur(g). Corniculorum igitur vi ef-
ficaciori illas valvulæ expansiones latiores,
altioresque adscribendas esse, eo minus
mihi dubium est, quo magis (conf. §§.
XIII. & IV.) in ejus configuratione con-
currentes vires varie componi, & se mutuo
adjuvare possint, præsertim in cordis for-
matione: in qua adfirmante HALLERO(h),



vires expansionis, derivationis, adtractionis & pressiois conjunguntur.

- (a) Conf. cont. Mery. pag. 428. WERHEYEN dicit: „ Valvulæ accretionem facile ob-
 „ servabit in vitulis diversa temporis di-
 „ stantia post nativitatem: videbitque
 „ illam, dum a parte pulmones respicien-
 „ te parieti venæ pulmonalis adnasci-
 „ tur, adhuc crescere, & extendi ubi
 „ cor respicit, itidem postea tanto fir-
 „ mius conjungatur cum eodem pariete.,,
- (b) MORGAGNUS Advers. anat. V. animad-
 vers. XVI. pag. 23. „ Nos enim quam
 „ sæpissime vidimus, eam valvulæ partem,
 „ quæ ultra ovalis foraminis anteriorem,
 „ inferioremque marginem in foetu ex-
 „ tendebatur, in senilibus etiam corpo-
 „ ribus non modo nondum parieti pul-
 „ monalis venæ coaluisse, sed instar duo-
 „ rum, vel plurium inæqualium, vel, quod
 „ frequentius, unius insignis sacculi (aut
 „ si mavis, valvulæ sigmoidis, sed an-
 „ gustioris, aut denique, ut Werheyenius
 „ loquitur, insignis sinus) cujus orifi-
 „ cium deorsum nonnunquam, sæpius
 „ antrorsum spectabat, tum crassiora
 „ specilla, tum ipsum extremum scal-
 „ pelli manubriolum inter se, ejusque
 „ venæ parietem tam alte admississe, ut
 „ quod Werheyenius in vitulis diversa
 „ tem-



„ temporis distantia post nativitatem
„ matris perspexit, valvulam videlicet
„ dum a parte pulmones respiciente pa-
„ rietis venæ pulmonalis adnascitur, ad-
„ huc crescere & extendi ubi cor re-
„ spicit; id in hominibus quoque ve-
„ rum esse videretur.

(c) HALLERUS Icon. anat. fasc. IV. pag. 9, &
10. n. 11.

(d) l. ant. lit. pag. 24.


(e) Tab. II. fig. III. α , β , γ , δ , ϵ , ζ , η .

(f) Fig. IV. 1. 2.

(g) Fig. III. α , β , γ , δ .

§. XVI.

Si itaque WERHEYENIUS (a) contra
MERYUM auctoritate anatomica suffultus
ita concludit: „ Advertat quæso spectat-
„ tor valvulam venæ lateribus adfixam
„ esse in parte remotiore a corde, ita ut
„ necessario a sanguine cor versus prope-
„ rante clauderetur foramen, nisi vi san-
„ guinis e vena cava irruentis teneretur
„ apertum; si contra eundem MORGAG-
NUS ita testetur(b): „Ovale foramen a par-
„ te auriculæ sinistræ ejusmodi valvula




„instruitur, quæ & ipsum obducere totum possit, & cum auricula se contrahit, vi compulsi deorsum cruoris, sursum a foramine abduci nequeat; „ sane duplicis hujus asserti veritatem, quæ (§§. II, III, & IV.) descripsi, observata, valvula scilicet Eustachiana integra, & frænulis munita cum aperto semper foramine ovali, valvula foraminis ovalis in sinu sinistro alte supra apertum foramen ascendens, ad evidentiam usque confirmant.

(a) Cont. Meryum pag. 427.

(b) l. c. Animad. XVII. pag. 26.





EXPLICATIO FIGURARUM.

Tab. I. figura I. Sistit integrum cor. Sectione per venam cavam ascendentem ad descendentem superiorem prope auricularum parietem integerrimum ita ducta, ut dexter ejus sinus aperiretur, & Valvula Eustachii integra servaretur. Valvula Eustachii in media ejus parte latiore studio est reclinata & inversa, ut paries ejus auriculam respiciens in conspectum veniret, sicque insertio frænulorum melius demonstrari posset.

AAA. Cordis facies plana.

B. Aorta rescissa.

C. Sinus Auriculæ sinistræ.

1, 2. Vena cava ascendens dissecta.

DDDD. Sinus Auriculæ dextræ apertus.


E. Appendix Auriculæ dextræ.

F. Fossa ovalis.

G. Aditus Auriculæ dextræ ad ventriculum dextrum.

H. Aditus ejusdem Auriculæ in suam Appendicem.

I. Ve-



- I. Venæ pulmonales sinistrae studio ita resectæ, ut foramen unicum in Auriculæ sinu sinistro pateat, ad faciliorem styli transitum.
- a. Isthmi pars superior.
- b. Columna tenuis dextra.
- c. Columna sinistra crassior.
- d. Foramen ovale infra isthmum apertum, indicante hoc stylo transeunte.
- eee. Reticula in fossa ovali.
- f. Valvulæ Eustachianæ cornu posterius.
- g. Valvulæ Eustachianæ cornu anterius.
- h. Valvulæ Eustachianæ pars media & latissima, reflexa, ut paries ejus auriculæ respondens conspici possit.
- i. Auriculæ portio posterior intercepta inter isthmum sinistrum & cordis ostium.
- k. Fibræ carneæ ex hac sede secedentes.
- l. Portio harum fibrarum immediate parieti Valvulæ Eustachianæ implantata.

m.



- m. Altera Portio harum fibrarum in trabem transversalem collecta,
- n. Supra cornu Valvulæ Eustachianæ auriculæ parti magis anteriori implantata.
- o. Filum carneum infra trabis insertionem ex auricula secedens, mox in duo fila divisum.
- p. Filum brevius, quod trabi neçtitur.
- q. Filum longius quasi fluctuans quod itidem secedit in
- r, s, t. Tria Fila, quæ Valvulæ Eustachianæ junctæ connectuntur.

Tab. II. fig. I. Sinus dexter auriculæ apertus. Portio auriculæ dextræ & septi intermedii vena cava ascendens aperta. Valvula Eustachiana.

AA. Portio parietis integerini, seu septi intermedii.

BB. Sectio per sinum dextrum ducta.

C. Fossa ovalis.

DD. Isthmi dexter & sinister.

E. Portio Auriculæ dextræ.

F. Ve-

F. Vena cava ascendens aperta & explanata.

G. Valvula Eustachii non nihil reticulata.

H. Cornu ejus posterius.

I. Cornu ejus anterius, gracile & sensim evanescens.

α. Frænulum, tendinis instar, ad cornu posterius accedens.

β. Caruncula, quæ papillæ instar ad auriculæ finem posteriorem prope anulum ellipticum prominebat resecta, & hac in figura sursum ducta.


Fig. II. III. IV. Septum medium ostendunt inter dextrum & sinistrum cordis sinum cum appensis cum sinuum, tum auricularum laciniis.

Fig. II. Paries septi medii auriculæ dextræ respondens.

AAA. Latera excissi septi inæqualia, forcipe sine cura secante, varie laciniata.

BBBB. Annulus fossæ ovalis in hoc subiecto perfectus, & inferius in se rediens.

C.



- C. Arcus circularis superior, filo nonnihil prehenfus, superiusque tractus, ut sub ipso apertum foramen oculis pateat.
- D. Foramen ovale diametro fat notabili apertum.
- E. Fossa ovalis latissima.
- F. Valvulæ Eustachianæ portio ab isthmo sinistro solito remotior.

Fig. III. Sistit superficiem septi auriculis intermediis, auriculæ sinistræ correspondentem.

AAAA. uti prius.

B. Membrana intima hujus superficiei duplex adfurgens ad veli seu valvulæ modum.

C, D. Valvulæ cornicula.

α. Parietis integerini portio ad orificium facculi concurrens.

β, γ, δ. Margo valvulæ liber.

ι, ζ, η. Agger, seu basis valvulæ.

F

Fig.




Fig. IV. Exhibet valvulam ex una parte a septo intermedio resectam, & reclinatam, ut ad ejus basin apertum foramen ovale conspici possit.

AAAA, B, E. uti prius.

C, D. Portio valvulae a superficie septi resecta, & reclinata.

F. Foramen ovale apertum.

1, 2. Fundus sacculi.

Addenda ad Explicat. Tab. I. figurae I.

1, 2. Vena cava ascendens aperta.

3. Vena cava descendens collecta, et non explicata.




CAPUT II.

DE UTERO BICORNI ET VAGINA
AD UTERUM NON INFRACTA.

§. I.

Cum in cadavere ancillæ Linteonis hujatis filiæ 20. circiter annorum anno 1776 mense Novembri ex infelici per scalas lapsu subito exanimatæ (*a*), & beneficio MAGISTRATUS CIVICI (*b*) Theatro anatomico traditæ, ob rariorem sexus sequioris cadavera obtinendi occasionem in partes genitales statim inquirerem, uterique situm in corona multorum medicinæ (*c*) & chirurgiæ Candidatorum demonstrarem, moles eius solito major, & notabilis depressio in medio fundi me fecerunt quam maxime attentum. Exenteratis postea, & præparatis enchei-




rifi consueta partibus genitalibus, molem hujus uteri solito maiorem, figuramque exteriorem, quæ cor more imperitorum pictorum delineatum apprimè referebat, penitus examinavi (*d*), & inveni corpus uteri, ut solet, ellipticum quidem, tam vero insigne; ut anterior tota ejus circumferentia (*e*) decem uncias pedis parisini complecteretur, linea suprema, qua hæc ellipsis terminabatur, & quæ, notante ILL. HALLERO (*f*) fundus uteri dicitur, a tuba ad tubam protensa ad tres uncias exporrigeretur (*g*), in hoc etiam a consueto naturæ ordine dessectens, quod in extremitatibus quidem sat convexa, in medio vero notabiliter depressa (*h*) esset. Latera huius ellipseos ad se invicem convergentia æquabant $2 \text{ \& } \frac{1}{2}$ unciam (*i*); Latus inum, sive semiellipsis supremæ opposita in cervicem patens uncia unius erat (*k*). Ceterum facies anterior, ut solet, planior, posterior convexior fuit, lateribus pene in aciem extenuatis. Altera pars uteri, cervix, cylindrica fere figura,

&

& longitudine perpendiculari unius unciae & quinque linearum (*l*), fini convexarum linearum lateralium corporis sui adaptabatur, & inferius in os uteri internum terminabatur. Tota longitudo a medio fundo ad finem usque oris uteri interni trium unciarum & trium linearum fuit (*m*). Vagina ut solet, amplectebatur infimam cervicis partem, & ante recti intestini finem in parte posteriori & inferiori pudendi muliebris finiebatur osculo contracto. Hymen laciniatum quidem (*n*), integro tamen fere annulo vaginæ adhuc continuum fuit.

(a) Cranium fissuras habuit plurimas. Vide in sequenti capite descriptionem harum fissurarum, notabilisque inde natæ aurium hæmorrhagiæ.

(b) Cadaver istud uti plura alia, in quæ nullum mihi ex voluntate SERENISSIMI ELECTORIS jus erat, potissimum Prænobili Consuli D. SPIZEL de incremento artis nostræ utpote in bonum publicum redundante apprime sollicito adscribo. Cum de sepultura huius ancillæ *Linteonis* filiæ ageretur, reliquos *Linteones* funus pro more concomitari renitentes, auctori-
tate




tate ad hoc officium compulit, sicque præiudicia plebis, ut solertissimum consulem decet, expugnavit.

- (c) Inter illos discipulos fuit CL. GÜETHE jam Poliater Mannhemienfis, qui in adversariis Medico - Academico Heidelbergaë 1778 inauguraliter defensus de hoc utero jam mentionem fecit; tempore & absentia factum fuisse, credidero, quod hunc uterum quoad figuram externe a consueta figura non recessisse, l. c. pag. 12, male scripserit.
- (d) Vid. Tab. III. in qua figura ad naturam, & secundum dimensiones ex præparato desumptas est delineata.
- (e) Vid. Tab. III. lit. OPE PON.
- (f) Element. Physiolog. Tom. VII. Sect. II. Libr. XXVII. §. VI. pag. 52.
- (g) Vid. Tab. III. lit. OO.
- (h) Ibid. lit. N.
- (i) Ibid. lit. OP.
- (k) Ibid. lit. ERQ.
- (l) Ibid. lit. NERQ.
- (m) Ibid. lit. NQ.
- (n) Ibid. lit. CC.

§. II.

Jam monui post demonstrationem situs uteri & pudendi, consueta encheiresi partes genitales fuisse exenteratas, & præpara-




paratas, quo exantlato labore in altera demonstratione sectionem vaginæ & vteri institui, secando per vaginæ partem posticam ita: ut *hac methodo Halleriana* (a) vaginæ rugæ anteriores melius demonstrari, & exactius lustrari possent. Vagina parte anteriore pulcherrime erat rugosa (b), & in profundiore rugas habuit etiam sat notabiles. Corpusculum, quod glandulam infartam & sat turgidam referebat, in parte vaginæ, anteriori orificio uteri interno vicina, prominebat (c). Exploratore per orificium uteri internum secundum medium eiusdem axem immisso, & per cervicem ducto, resistantiam aliquam percepi, ita ut jam hanc jam illam in partem instrumentum agendo, illud mox dexterius, mox sinisterius altius profundiusque penetraret. Ob molem uteri solito maiorem jam ante attentus, hoc phænomeno adhuc attentior factus retraxi exploratorem, & ad eam altitudinem solum reliqui, ubi resistantiam primo perceperam, & super illum sectione per labium orificii uteri in-



interni posterius, posterioremque cervicis partem ducta vidi: exploratori uteri substantiam intermediam, quæ cervicis parti supremæ tam antè quam posterius erat continua, restitisse, & hic duo efformasse ostia dextrum nempe & sinistrum, quæ in duos loculos ducebant reliquum uteri corpus ex utroque latere ad fundum usque occupantes. Pulchra tunc erant visu in cervicis partem supremam (*d*) duo patula orificia. Hærebat non nihil animus in de-
 struendo admirabili illo naturæ ludentis artificio, sed consilio ex arena petito, dextrum loculum seu cornu immisso per ejus medium supra exploratorem forcipe ad tubam fallopianam usque (*e*), eamque non nihil continuata sectione dissecuri (*f*), & tum cavum duos digitos longum (*g*), superius valde acuminatum (*h*), in medio $9\frac{1}{2}$ lineas latum (*i*), prope privum ejus orificium ad cervicem patulum, & nonnihil contractum (*k*) observavi. Septi intermedii utrumque loculum separantis, & cum parte cervicis suprema antè & posterius

con-




continui crassities erat septem linearum (*l*). Substantia utriusque cornu cernici propior (*m*) quatuor, prope tubam autem magis magisque extenuata (*n*) duarum linearum fuit. Cum alter locus, finistrum scilicet cornu adhuc esset integrum, spatiumque occuparet in corpore uteri priori perfecte æquale (*o*), hac industria obtinui, ut pulcherrimum præparatum hujus uteri bicornis, quod cimeliarchæum nostrum iam ornat, orificium cornu sinistri adhuc habeat integerrimum (*p*), ad cervicem longitudine sex linearum & latitudine duarum & $\frac{1}{2}$ lin. transversim patulum. Crassities ipsa uteri in cervice, qui unum digitum & quinque lineas (*q*) in longitudine habet, intusque sine ovulis Nabothi pulcherrime rugosus est (*r*), $4\frac{7}{8}$ linearum fuit (*s*). Rudimentum futuri sarcomatis ad ceruicis partem supremam prominebat (*t*).

(*a*) Icon. anatom. Fasc. I. uteri mulieb. partiumque ad eum facientium explanat.

(*b*) Tab. III. lit. A A A.

(*c*) Ibid. lit. T.

(*d*)



- (d) Tab. III. Fig. I. lit. E.
- (e) Ibid. lit. FFFF.
- (f) Ibid. lit. a.
- (g) Ibid. ab H in E.
- (b) Ibid. lit. H.
- (i) Ibid. lit. G.
- (k) Ibid. in vicinia inferiores FF.
- (l) Ibid. lit. I. Est septi pars dissecta a reliqua cornu aperti substantia, quæ eadem crassitie pergit inter duo cornua intermedia ad ipsam fundi uterini depressionem N notatam.
- (m) Ibid. lit. K.
- (n) Ibid. lit. O dextri lateris.
- (o) Ibid. lit. LLL.
- (p) Ibid. lit. M.
- (q) Ibid. lit. E R Q.
- (r) Ibid. lit. R.
- (s) Ibid. lit. D D. sup.
- (t) Ibid. lit. S.


§. III.

In cadavere aniculæ nec nuptæ, nec unquam puerperæ, sexaginta annos natæ, etiam ex infelici lapsu non quidem uti prior ancilla subito exanimatæ, sed septimo demum die ad finem Januarii hoc anno demortuæ cum partes genitales coronæ
can-




candidatorum frequentissimorum demonstrarem; lusus naturæ inueni tam in vagina quam in utero summopore singulares, & cum hoc ipso tempore in conscribenda jam prioris observationis historia occuparer, attonitus, & quasi dubius hæsi: an magis opportunam hanc occasionem, an vero duorum cadaverum analogo fato exanimatorum analogam etiam uterorum singularis configurationis naturam admirarer. Uterus, cum eius situm in pelvi demonstrarem, ob singularem præsertim ejus conformationem (*a*) & me, & omnes adstantes quam maxime suspensos tenuit. Prominebat scilicet inter ligamenta uteri lata in medio massa aliqua informis, varie tuberosa, tubere inferiore & vaginæ proximioris satis notabili & oblongo (*b*), quod autem in medio insigniter diminuebatur, ita tamen, ut hujus massæ substantia, quæ hic non nihil circum circa contrahebatur (*c*), superius iterum in sat notabile tubus in facie posteriore elevaretur (*d*); in facie autem anteriore nihil simile obtineret,

G



ret, sed ipsa uteri substantia hic sentiretur magis extenuata. Hoc tuber in duas laterales portiones se expandebat valde notabiles (*e*), portio tamen dextra (*f*) major erat sinistra. Ascendebant hæ portiones non nihil, & sensim magis magisque angustatæ in ipsas finiebantur tubas (*g*). Lateralium harum portionum ascensus fecit, ut in illo medio, quod in utero bene formato mediam fundi partem facit, sat notabilis nasceretur depressio (*h*), ellipsisque uteri fundi exterior inter tubas hic non convexa, sed notabiliter concava appareret. Ovaria erant valde exigua (*i*). Ceterum substantia hujus uteri informis in tunica sua extima peritonei ita recondabatur, ut simplici visu in universum, tubera si excipias, non tam videri, quam digito palpari, datum fuerit (*k*). Vaginæ osculum satis contractum quidem fuit, hymenis autem ex parte sinistra, si rugam aliquam eminentem (*l*) excipias, ne vestigium quidem aderat, cum econtra ex parte dextra lacinia aliqua magis oblonga,



ga, quam lata, & crassiuscula superesset (*m*).
Reliqua vagina, ut solet, canalem referebat in universum cylindricum.

(*a*) Vid. in Tab. III. quæ hunc uterum ad naturam ex facie sua posteriore delinetum exhibet.

(*b*) Ibid. lit. O.

(*c*) Ibid. lit. P.

(*d*) Ibid. lit. Q.

(*e*) Ibid. lit. R R.

(*f*) Ibid. lit. R dext.

(*g*) Ibid. lit. T T.

(*h*) Ibid. lit. S.

(*i*) Ibid. lit. V V.

(*k*) Ideo umbrarum multum in hac figura opus fuit; cum obscure hæc uteri informis massa quasi velo involuta appareret ob vaginam dissectam ex parte postica intestino recto respondente. Uteri facies posterior hic est delineata, anterior ab illa in cervice vix differebat.

(*l*) Ibid. lit. G. ex parte sinist.


(*m*) Ibid. lit. G. ex parte dext.

§. IIII.

Vagina ex parte postica intestino recto respondente dissecta cum esset, inveni verucas-callosas duriusculas in interna



vaginæ facie ita dispositas, ut in duas principes columnas, superiorem (*a*), & inferiorem (*b*) congregarentur. Superior, quæ sub urethra fertur, erat contractissima verucis confertissimis, & ita coniunctis, ut columnam oblonge tumidam minus quam pro more latam, crassior (*c*) tamen referret. Eædem illæ verucæ inferius ad ingressum vaginæ magis magisque, & tam arcte colligebantur, ut duo sat notabilia tubera (*d*) inde nascerentur, quæ prominentia ipsam vaginæ tunicam intimam quasi replicabant, & cœcum formabant ventriculum (*e*), duobus illis ad urethræ egressum reperiundis non absimilem. Ipsa illa tubera intermedium sinum cœcum habuerunt (*f*), qui illa dividebat, ut solent esse amygdalæ faucium. Infra hæc tubera antè levissima fuit vaginæ superficies intima, aliqua parte ad ingressum orificii usque protracta (*g*). Inferior papillarum columna, quæ ano incumbit, rugis erat plena confertissimis ex parte sinistra in duplicem quasi plicam (*h*) disseminatis.



natis. Harum exterior (i) evidentissime præfenti quondam hymeni implantabatur, utpote rugæ ex hymene reliquæ connexa. Pars dextra minus quidem plicata, rugis tamen plurimis continuabatur ad oblongam crassiusculamque laciniam (k). Prima vero pars vaginæ ultra dimidium fere levissima fuit (l), & prope uterum *ductum habuit non infractum*: neque, ut fieri solet, cum ipso utero ductus antrorsum decenderat, sed infra uterum, aut si mavis, uteri informem massam pergebat ita, ut mirabili spectaculo in loco orificii uteri interni alias prominentis *continua, nec rugosa, nec cicatrisata, sed integerrima & levissima vagina sine cæco* finiretur (m), in cujus medio orificii interni loco vallicula apparuit (n) cum exiguo aliquo foraminulo (o), setam porcinam unice admitte, quæ per illud in connexam uteri substantiam penetraret facili satis negotio (p). Speciosa hæc observatio una cum illa §. I. & II. in duplici præparato fidem facit; & hæc est causa, cur sectione in ori-

fi-



ficiū hujus uteri internū non penitius inquisiverim; cum alias vaginæ tubum non infractum vel discindere, vel ab utero separare oportuisset. Quantum autem palpandō res indagari potuit, os uteri consuetum hic non adfuit, sed ejus loco informem, crassiusculam, ad vaginam terminatam substantiam mihi adpercepisse sum visus.

(a) Tab. IV. fig. I. lit. I.


(b) Ibid. lit. NN.

(c) Ibid. lit. I.

(d) Ibid. lit. K K. Hæc tubera videntur rudimenta esse, quæ in certis subjectis prolongata, uvulæ similes, de pudendo eminent. De hac prominentia egregie ILL. HALLERUS *Icon. anat. fascic. II. de utero ad finem not. g* ita dicit: *Turbo membraneo carnosus, rugosus in ingressu sinus muliebris, basi ipsi coherens, apice libero foras super cutem labiorum propendens.* Priori anno in femina capite plexa, cum partes genitales externas demonstrarem, primo intuitu carunculam totam biñdam, qualem MURALTUS *Vadem. anat. pag. 421.* habet, sat notabiliter extra pudendum prominentem observavi.

(e) Ibid. lit. L.


(f)



- (f) Ibid. lit. L g.
- (g) Ibid. lit. M.
- (h) Ibid. lit. e e.
- (i) Ibid. ex part. sinist. (e) magis ext.
- (k) Ibid. lit. f.
- (l) Ibid. H superius.
- (m) Ibid. lit. b b b.
- (n) Ibid. lit. c.
- (o) Ibid. lit. d.
- (p) Ibid. fig. 2. lit. d.


§. V.

Uteri ipsius informis intimam structuram ita rimatus sum: sectionem scilicet longitudinalem per corpus illud oblonge tuberosum, cervicem referens (a), institui, ita tamen, ut ejus portio inferior ad vaginam terminata, ipsiusque etiam vaginæ finis cæcus una cum foraminulo ad uterum patulo manerent integra (b). Pene-travi tandem cauta sectione per fat crassam illam uteri substantiam, feta per foraminulum immissa jam in conspectum veniente, in cervicis cavum. Intima cervicis superficies erat pulcherrime plicata (c). Supra fetam tanquam stilum explorato-



ratores continuavi versus superiora sectionem per uteri carnem hic, uti ad cervicem, satis crassam (*d*). Cervicis cavum, quo altius versus uteri partem contractam pergeret, magis magisque angustabatur (*e*). Seta has angustias patienter pervestigavi, quæ inclinato non nihil utero penetravit altius, & quidem in superiorem uteri portionem itidem tuberosam. Super hanc setam continuata cautissime sectione, sensim incipiebant non nihil imminui angustiae, ipseque sic modice dilatatus canalis (*f*) finiebatur ad subrotundam foramen (*g*), per quod seta transierat, jam in spatiofo loco facile huc illuc movenda. Foramen a membrana uteri intima in plicam hic non nihil protracta elegantissime circumscribebatur (*h*). Sectionem deinde & per hoc foramen continuavi, dividendo scilicet tuberosam illam substantiam, quæ corpus uteri potissimum constituebat (*i*), & sic cavum inter labia dissecta se mihi obtulit, quod glandem plumbeam facile admisisset (*k*). Hoc quasi atrium in.

ter-



termedium latissimo, duplici orificio (*l*), & subovali cum duobus evidentissimis cornibus communicabat, & sic in illa continuabatur, ut cornu dextrum evidenter crassius, longiusque appareret (*m*), cum cornu sinistrum sat notabile quidem, priore tamen minus esset, indeque fieret, ut informis illa per tunicas apparens massa dexterius magis, quam sinisterius mole emeretur. Sectionem tandem produxi ex hoc uteri cavo in cornu dextrum (*n*), hacque operatione reperi vera uteri carne (*o*) circumscriptum sat amplum cavum (*p*), digiti auricularis ultimum articulum facile admittens, quod sensim magis magisque decrescente carne (*q*) angustius in sibi continuam tubam (*r*) definebat.

(*a*) Tab. IV. fig. 2. lit. CCCC.

(*b*) Ibid. lit. bbb.

(*c*) Ibid. lit. e.

(*d*) Ibid. lit. CCCC.

(*e*) Ibid. lit. f.

(*f*) Ibid. lit. g.

(*g*) Ibid. lit. h.

(*b*) Ibid. lit. ii.

H

(*i*)



- (i) Ibid. fig. 3. lit. A A A A.
- (k) Ibid. fig. 3. lit. B.
- (l) Ibid. lit. aa.
- (m) Ibid. fig. 1. lit. R dext.
- (n) Ibid. fig. 4. lit. D E E.
- (o) Ibid. fig. 4. lit. C C C.
- (p) Ibid. fig. 4. lit. D.
- (q) Ibid. fig. 4. lit. d.
- (r) Ibid. fig. 4. lit. e.

§. VI.


Quoties ILL. HALLERUM (a) cum aliis contra GALENUM statuentem lego, quod is uterum humanum non dissecuerit, simulque mecum perpendo cumulum illum observationum circa uteri fabricam diversam (b); hæret semper animus, an non ideo GALENUS, notante HARTMANNO (c), obvolverit se tenebris, quando debebat de utero dicere, quia in summa cadaverum humanorum penuria semel in cadaver muliebri incidit, in quo uterum naturalem, alia vice, in quo bicornem vel saltem ipsi analogum reperit; in bivio itaque constitutus minus præcise de illo dixerit, quam antiquior SORANUS (d), qui uterum humanum

num

num figuræ naturalis invenit, & optime descripsit. Ipse sane HALLERUS, cum observaret septum uteri ex tribus iugis compositum (e), sententiam de veteribus latam ita mitigat: „ Huiusmodi septum in ipso „ corpore humano nondum videram, & „ excuso adeo veteres, qui magno consensu uterum foemineum bifidum, inque „ duos sinus divisum fecerunt. De hac lite literaria ego non decidam, sed potius observationem a me factam exactius ad limam revocabo, examinando, an uteros illos vere *bicornes* appellare liceat, & comparando, quid similes jam factæ observationes cum meis habuerint *commune*, vel ab illis *alienum*, statuendo tandem: Quid & his observationibus de conceptione, superfœtatione, aliisque partium genitalium phœnomenis concludendum sit.

(a) Element. Physiolog. corp. human. Tom. VII. Part. II. pag. 55.


(b) Vid. GRAUELI conj. de superfœt. Argent. 1738. HALLERI comment. in prælect. BOERHAAVIANAS Tom. V. §. II. EISENMANNI quatre Tables anatom. re



present. une oblerv. tres rare d'une double matrice, Strasbourg 1752. His observationibus collectis potissimum accedunt novæ PH. ADOLPH. BOEHMER observat. anat. rarior. fascic. II. observat. V. Halæ Magd. 1756. SANYER DU LAC Journ. de Med. Tom. VI. A. 1757. ACRELL Königlich Schwed. Acad. der Wissenschaften auf das Jahr 1761. Kæstners Uebersetzung 23. B. 306. G. CASPARI M. FORLANI rariores observat. med. pract. anat. Decas I. Venetiis 1767. PURCELL. Philosoph. transact. 1774. & 1775. J. CALLISEN societ. Med. Havniensis collect. Vol. I. 1774. Uteri duo in femina, quæ peperit cum vagina unica in Chirurgiska händelser Anmerk. k. Lazareth. Stokholm 1775. WALTER Nouveaux Memoir. de l'acad. Roy. des sciences & belles Lettres de Berlin. An. 1774.

(c) de perit. vet. anat. pag. 23.

(d) L. de vulva & muliebri pudendo interpret. F. RASARIO apud Morellum 1556. Latine C VESALIO Venet. 1604. Fol. De hoc libro ita notat ILL. HALLERVS in Biblioth. anat. Tom. I. pag. 72. „ Exiguus est libellus & humana anatome „ notus. Uterum enim nusquam bicor- „ nem facit, & differte negat, ut in animalibus, convolutum esse. neque male cum cucurbita medica comparat, ei etiam fun-




„fundum tribuit, qui in animalibus nul-
„lus est, & osium, & cervicem du-
„plicem.

(c) Icon. anat. fascic. II, uter. fig. II. lit. F.
not. a.

§. VII.

ILL. HALLERUS uterum bicornem, at-
que ipsas complurium auctorum J. C. BAU-
HINI præsertim, J. SYLVII, CATTI & BOEH-
MERI observationes mihi quidem sequenti-
bus verbis videtur in dubium vocare (a):
„Denique, si fides auctoribus potest
„tribui, etiam uteri vere bicornes, qua-
„les sunt in animalibus, in foemina visi
„sint,„. Juvat igitur in has observationes
exactius non nihil inquirere, & adnotare,
quibus rationibus potissimum persuasi ce-
leberrimi viri hos uteros *bicornes* (b) dixe-
rint; potissimum autem CATTI textum in-
tegrum (c) hic inferere non inutile, mul-
tisque pergratum judico, cum ipsi HAL-
LERO ob summam libri raritatem ex titulo
solum notus fuerit (d), MORGAGNUS e-
con-




contra amare ita conqueratur (e): „Fran-
 „ciscus Antonius CattuS anatomicus Nea-
 „politanus non ita contemnendus, ut ig-
 „notus esse debuerit iis, quantum video,
 „omnibus, qui de Medicis aut Anatomi-
 „cis scriptoribus egerunt, primam in mu-
 „liere quadam revera bipartiti uteri disse-
 „ctionem tradidit,,. En CATTI verba (f):
 „Fundus uteri est, cuius magnitudo in adul-
 „tis tanta est, quantam quis manu penitus
 „concludere posset. Figura ei rotunda,
 „quæ ad oblongum tendit, quo vero ad
 „anterior & posterior depressa, pars supe-
 „rior in obtusum semicirculum desinere
 „consuevit, semicirculi hujus extrema &
 „quoquo pacto prominentia, nuper na-
 „scentis vituli capitis, cuius cornua erum-
 „pere nondum cœperunt, similia uteri
 „cornua appellanda sunt; in quæ inferi
 „vasa semen deferentia diximus. Duas
 „habet tunicas, quarum externa perito-
 „næi pars est, reliqua peculiaris substan-
 „tia, crassa, nervosa, omni fibrarum ge-
 „nere prædita. Interior superficies, figu-
 ra



„ra exteriori responderet, nisi superior
„pars quoquo pacto depressior esset, ut
„universam cavitatem in dextrum & fini-
„strum dirimere velle videatur, licet ali-
„quando mulieris uterum dissecuerim, cu-
„jus superior pars semicirculi modo cava
„erat, ut in duos manifestos apices desi-
„neret, instar novæ lunæ, qui cornubus a
„Gal. descriptis maxime respondebant.
„In interiori autem cavitate, a media su-
„periori regione septum oriebatur paulo
„tenuius, quam reliqua fundi tunica, ad
„regionem usque orificio uterî vicinam
„protendebatur, qui universum fundum
„in duas cavitates, dextram & sinistram
„dividebat,,. Tardior non nihil est JOAN-
NIS BAUHINI observatio, qui, referente
fratre suo CASPARO BAUHINO (g), circa
annum 1565, dum ordinarius esset Lugdu-
nensium medicus, & chirurgis anatomen
demonstraret, „in quadam puella uterum
„bipartitum, qualem canes habent, ob-
„servavit: quod ut rem valde raram do-
„ctissimis medicis Lugdunensibus, ac mul-
„tis



„tis aliis demonstravit, subjungens: Ea-
 „dem ergo de re anatomici, si mulierum
 „corpora talia occurrunt, cogitabunt,
 „cujus nomine hoc proponere libuit. „
 RIOLANUS (*h*), postquam modo citatum
 BAUHINI locum attulisset, addit: „Obfer-
 „vavit etiam SYLVIVS in puella uterum ve-
 „luti bicornem ut in multiparis. „. BOEH-
 MERUS (*i*) autem uterum suum ita describit:
 „Uterus septo communi divisus, sicuti in
 „brutis bicornis ex duobus in medio con-
 „cretis cornibus coalitus adparebat,
 „quodlibet vero cornu proprio suo gau-
 „debat orificio, ac in interno cujusvis
 „ambitu, ejusque parte, quæ alias in na-
 „turali uteri forma cervix vocatur, val-
 „vulis, cellulisque exiguis, ovarium Na-
 „bothi indicantibus, instructum erat. Va-
 „gina duplex intus rugosa septum fecit ad
 „mediam & superiorem usque uteri bicor-
 „nis partem protensum, in vagina spurium
 „& instar mediastini, a mutuo duorum
 „quasi propriarum vaginarum, ope telæ
 „fibroso - cellulosæ adunatarum, contactu
 „com-



„ compositum fuit. Quamvis vero ad ute-
„ rum usque separari potuerit, ibidem ta-
„ men compactiorem induit structuram fi-
„ brosam, ut amplius dividi haud potue-
„ rit, sed commune utriusque cornu fa-
„ ctum fuerit septum. Vagina itaque du-
„ plex intus rugosa, papillaris, valvulosa,
„ lacunis, superius præcipue, obsita pro-
„ pria uteri bicornis amplectebatur orifi-
„ cia ovalia,,. Quantum autem descriptio-
nes istæ cum charactere uteri bicornis
conveniant, aut ab illo dissentiant, in se-
quentibus §§. indagabo.

(a) l. ant. cit. pag. 51.


(b) Video observatores multos nomina uteri
bicornis, *bifidi*, *semiduplicis*, *duplicis* pro-
miscue sumere. Sic ILL. BAGARD in hist.
Acad. scient. Par. An. 1752. suum ute-
rum duplicem nominat, qui tamen om-
nino cor, ut pictores imperiti hoc deli-
neare solent, jam in figura exteriori
referebat, & intrinsecus ad cervicis par-
tem superiorem in duos secedebat locu-
los. Ipse EISENMANNUS ad Tab. I. in
not. a diserte dicit: „ Je suis bien aise
„ d'avertir d'entrée que j'entends par
„ uterus doubles ceux qui sont divisés en

I

„ deux



„ deux cavités, soit qu'ils soient divisés
 „ à l'aide d'une cloison en deux cavi-
 „ tés posées l'une à côté de l'autre, soit
 „ qu'ils soient furchus en guise de cor-
 „ nes, quant bien même ils n'auroient
 „ point *deux orifices internes.*., BOEH-
 MERRUS l. cit. pag. LIX. in hanc expli-
 cationem EISENMANNI optime notat:
 „ Laudatus vir non bipartitos tantum
 „ uteros, hoc est, septo quodam in duo
 „ cava sibi mutuo ad latera posita divisos,
 „ verum & bisulcos in modum duorum
 „ cornuum divaricatos, ad duplices in
 „ sensu latiori retulit, in strictiori vere
 „ significatu uteros ex duobus sibi invi-
 „ cem contiguïs compositos revera du-
 „ plices nominavit. ACRELL in acad.
 Reg. suec. 1761 uterum vere bicornem
 (vid. fig. ejus II.) duplicem nominat (eine
 doppelte Bärmutter), cum tamen hic ute-
 rus unico communi orificio lit. a desig-
 nato se aperiret. ILL. CALLISEN col-
 lectan. soc. med. Havn. volum. 1. pag.
 147 & 148. ad evitandas vocis ambigui-
 tates uteros variæ configurationis ad de-
 terminatas optime species ita reduxit:
 „ Inter hujus generis uteros non nulli in-
 „ ventî sunt *bicornes*, alii *bifidi* uno commu-
 „ ni orificio in vaginam hiantem donati, alii
 „ *bipartiti* duobus separatis orificiis uteris
 „ in communem vaginam patulis instructi,
 „ alii denique, quorum *singula cava uterina pro-*
 „ prio orificio propriaque vagina sunt prædita.,.




(c) CL. FEUSSERUM Medicinæ Doctorem, jam
Physicum Andernacensem, Anno 1774,
75, & 76 meum contubernalem, cum
1777 collegia clinica ILL. STOLLII dignif-
simi DE HAENII successoris sequeretur, ro-
gavi, ut textum CATTI mihi procuraret
uterum bicornem concernentem. Be-
ficio itaque ILL. STOLLII amici mihi co-
lendissimi, *cui hic publicas grates ago*, fa-
ctum est: ut rarissimi hujus libri ipsi co-
pia fieret, & FEUSSERUS ad me ita scribe-
ret: Viennæ decima Decembris 1777.
„ En quæ ad uterum bicornem spectare
„ mihi quovis modo videbantur, accu-
„ rate & fideliter descripta ex CATTO.
„ Liber continet 35 capita in octavo ma-
„ scule & terse conscriptus, vitiis autem
„ typographicis fere scatens. Exemplar,
„ unde excerpfi, extat in bibliotheca
„ Windhagiana apud PP. DOMINICANOS,
„ Titulus est sequens: *Isagogæ Anatomice*
„ *Francisci Antonii Catti lucani, Neapoli*
„ *chirurgiam & anatomen profitentis. Nea-*
„ *poli excudebat Raymundus Amatus M. D.*
„ *L VII. mense Decembri.*

(d) Biblioth. anat. part. II. in addendis pag. 718:

(e) Lib. I. de sedib. atque caus. morbor. Epist.
III. art. 21. pag. 23.


(f) Capit. 20. Mulier. gener. organ. descri-
ptis uteri vasis, eiusque ore, cervice
pag. 73.



(g) in appendice ad ROUSSET hyſterotomoto-
tok. pag. 227.

(b) Antropogr. Lib. II. c. 35. pag. 197:

(i) RIOLANO, qui authoritate SYLVII mentionem facit uteri bicornis in ſua antropographia Pariſiis primo 1618, & ſecundo 1626 edita ſubiungi poterit analogæ obſervatio Chriſt. Franciſci PAULINI ad finem ſeculi decimi ſeptimi in Ephem. N. C. anno 1687 Decur. II. ann. 5. in appendice pag. 68. reperiunda, quæ mirabilem uteri figuram ita exponit.
 „ Cadavere aperto, præſentibus teſti-
 „ bus fidei plenis D. Joh. Andr. Sen-
 „ ſern pastore loci, marito, obſetrice,
 „ Joh. Conrad. MYſIO Chirurgo aulico
 „ rhomhildenſi vidit KELLERUS noſter
 „ uterum bicipitem, & circa oriſcium
 „ ejus internum aliquod longius pro-
 „ pendens corpus, ſeu molem rotundam
 „ magnitudine caput infantis æquans,
 „ quod ſuperiori ligamento quodam fir-
 „ miter adnatum erat, & ſuſum deor-
 „ ſumque, ut vides, tolli, moverique
 „ poterat. „ Sane figura uteri l. c. de-
 „ lineata duos inſignes protuberantes *tumulos*, ſeu colles vel *capita* (ut ipſus Paulini dicit) refert, quæ in fundo uteri notabili depreſſione ſeparata ſunt, & inſigniter diſtant. Ad uteri bicornis naturam igitur quam maxime accedunt; rotunditas




tas enim horum tumulorum, cornuum non exacte figuram exprimens, partim expansionibus uteri ex graviditate inductis, & ob mortem altero partus die insequentem necdum mutatis omnino videtur esse adscribenda; partim etiam figuræ jam in primogenio hujus uteri architypo esistenti.


(k) Observat. anat. rar. fascic. II. observ. V. pag. LVIII. & pag. LIX.

§. VIII.


Uteri bicornis, uti in animalibus reperiuntur, characterem proprium potissimum ILL. HALLERUS ita determinat (*α*): „Bicornes uteri (animalium) sensim ex- „tenuati denique in tubas continuantur, „quæ alia omnino ab humana fabrica est, „in qua tubæ in crassum uterum, inque „ejus amplam caveam subtilissimo ostio „aperiuntur. „ Uterus itaque a CATTO observatus plurimum cum hoc characterē habuisse analogum, extra omne est dubium; desinebat enim in duos manifestos apices instar novæ lunæ, septum præterea intermedium illum dividebat in duo locula, non ad ori-



orificium internum usque, sed, quod consulto addidisse videtur, *totum ad regionem orificii uteri vicinam*: inter específicos igitur uteri bicornis characteres hic etiam videtur esse, communis scilicet utrique loculamento cervix, propriumque unicum orificium, egregie etiam hoc notante ILL. CALLISEN (*b*), qui uteros bicornes & bifidos *uno communi orificio* in vaginam hiantes donatos esse voluit; debent igitur hoc artificio in cervicis parte superiore bina loculamenta seu cornua *privis orificiis* in illum se prius aperire (*c*). Septum intermedium cum CATTUS reliqua uteri substantia tenuius dixerit; ipsi autem altum sit silentium de substantia manifestorum apicum; non audeo determinare, utrum & hic substantia uteri fuerit sensim extenuata, prout illud circa uteros animalium bicornes solet contingere, nisi forte vocabulum *manifesti apicis* extenuationem jam indicet. Brevis illa C. BAUHINI de utero a fratre suo JOANNE BAUHINO observato descriptio videtur, cum illum ut rem raram doctif-



doctissimis medicis Lugdunensibus, & multis aliis demonstraverit, utrumque ipsum bipartitum, qualem canes habent, nominaverit, perfecte convenire cum illo, quem jam ante ipsum observaverat CATTUS. Idem iudicium ferendum de SYLVII observatione. BOEHMERI uterus quoad fundi divaricationem in duo cornua omnimode cum uteris animalium bicornibus convenit, eo magis, quod substantia cornuum crassa, cum tubis continua, circa illos rarior, & membranacea redderetur, simulque utrumque cornu orificio satis patulo in tubam Fallopianam hiaret, ipse autem ille uterus, si alium a CL. CALLISEN ad cervicem requisitum characterem consideremus, non tam bicornis, quam semiduplex nominari poterit, cum singula uterina proprio orificio, propriaque vagina prædita habuerit: erat enim duplex utriusque cornu cervix, & uterque privo orificio ita instructus, ut vagina duplex propria uteri bicornis orificia amplecteretur ovalia (*d*); cum tamen in utero vere bicorni unicum
ori-



orificium (Confer. §. VII. not. b.) in vaginam debuisset esse productum.

- (a) l. c. Tom. VIII. Sect. II. pag. 101.
- (b) Societ. med. Havn. Vol. I. observat. XVIII. pag. 147. & 148.
- (c) Vid. Tab. III. fig. 1. lit. M. & Tab. IV. fig. 3. lit. aa, fig. 4. lit. a. Res optime etiam in acad. Reg. Paris. anno 1752. occasione uteri per ILL. BAGARD observati ita determinatur: „Sur de cette circum-
„ stance, il détruisit avec précaution ce
„ qui forma le premier orifice, & les
„ deux autres devinrent apparens.
- (d) l. c. pag LVIII. & LIX. Huic BOEHMERI utero quoad partem inferiorem similis omnino est duplex ille uterus a GRAUELIO in dissertatione de superfœtatione Argent. 1738. delineatus, ubi per lit. EE *duplicita orificia* indicantur, sic etiam uterus a LITTRIO in histor. Acad. Reg. 1705 observatus & descriptus; qui in hoc solum differre videtur, quod cornua non habuerit recurvata, in tubas extenuata, quamquam, ut ipse LITTRIO fatetur, utriusque uteri fundus fuerit diversus, & perfecte a se invicem separatus. Quam maxime autem cum BOEHMERI utero tam quoad duo cornua, quam duplex orificium convenit uterus bipartitus a CL. PURCELL observatus eo singularior, quod
cornu



cornu dextrum foetum jam maturum
containeret. Vide Philosoph. transact.
1775. Item Medicinische Commentarien
von einer Gesellschaft der Aerzte zu Edin-
burg 2. Th. 1. Stück 109 S. Altenburg.
Huc etiam referenda videtur MAJI in
commerc. lit. nor. anni 1733. Sept. 25.
pag. 196. descripta observatio: „ Uteri
„ claustrum internum L. fig. IV. & V.
„ naturaliter quidem protuberabat, ve-
„ rum duplici orificio L. fig. V. hiabat,
„ cui diameter unius circiter lineæ men-
„ suram effecit, septumque perpendicu-
„ lare, quartam partem lineæ vix cras-
„ sum interpositum fuit. „ In commer.
lit. nor. anni 1738 Sept. 21. pag. 164. men-
tio fit de utero bicorni ab HOMELIO ob-
servato ad ILL. TREW scribentis: „ Al-
„ ter casus ostendebat mihi uterum du-
„ plicem seu bicornem, eodem modo,
„ quo eundem ex observatione b. Dom.
„ MAJI a. 1733 hebd. XXV. pag. 195, de-
„ scriptum exhibuisti, in eo tamen ab
„ illo differebat, quod orificium uteri
„ modo simplex, & defuncta sæpius eni-
„ xa erat. „ Et sane bicornis præ alio
nominandus fuerat, uti & ille a CASP. M.
FORLANI in rarioribus observationibus
medicis practicis anatomicis Dec. 1.
Venetiis 1767 descriptus in duas caveas
in unicum ostium confluentes divisus.



§. IX.


Quantam itaque fidem CATTUS, BAUHINUS, RIOLANUS, BOEHMERUS mereantur in historia uteri bicornis, ex prioribus facile quisque dijudicaverit. Recentiores autem observationes potissimum Ill. viro-
rum ACRELL & WALTER, cui & duplicem meam observationem adjungere liceat, uteri humani *bicornis* existentiam videntur omnino demonstrare. Figura ACRELLII rem extra omne dubium ponit, cervicem adfuisse communem in parte ejus superiore in duo apertam ostia, quæ in duas privas ducebant cervices, hæ denique in duo a se invicem secedentia loculamenta sat spatiosa, superius tamen convergentia abibant (*a*). Bicornem etiam uteri figuram primo intuitu quam facillimè dignoscendam exhibet ILL. WALTER pulcherrima Icon (*b*), ad quam solícite animadvertit (*c*), quod uterus non solum separatus sit in duas septo intermedio, sed quod utrumque ita natum cavum ex utroque latere recurvetur, & sic duo exhibeat cornua,



nua, septum intermedium non ad cervicis partem supremam finiretur, sed profundius ad mediam ejus fere regionem descenderet, *integrum & unicum* tamen relinqueret *uteri orificium internum*.

(a) Königl. Schwed. Akad. der Wissensch. auf das Jahr 1761 Raestner. Uebersetzung 23. Band p. 306. ACRELLII uterus præterquam quod conveniat in notis characteristicis uteri bicornis §. VIII. determinatis, differt tamen ab omnibus hætenus observatis uteris bicornibus, quod præter cervicem communem lit. H denotatam utriusque cornu privæ adhuc b, c designatæ cervices ad communis partem supremam patulæ reperiantur, hoc forte phænomeno persuasus ACRELLIUS uterum suum nominat duplicem.

(b) Nouveaux Mem. de l'acad. Roy. des sciences & belles lettres de Berlin. ann. 1776. pag. 93. Dicit quidem ILL. WALTERUS: suam observationem eo magis fieri speciosam, quod femina illa jam partum enixa esset, cum in EISENMANNI & BOEHMERI observatis id non contigisset, sed jam & illos bicornes seu *bifidos uteros* PAULINI (confer. §. VII. not. 1.), & HOMELII (confer. §. VIII. not. d in fine), ACRELLII, (confer. die Schwedisch. Magaz. l. c. pag



306.) BAGARDII (confer. acad. Roy. de science an. 1752) concepisse & partus enixos esse legimus.

(c) Ibid. pag. 94.


§. X.

Juvat tamen & hic examinare, quid duplices a me observati uteri cum prioribus commune, quid privum habuerint; quid tandem in causa fuisse videatur, quod in admittendo utero bicorni animalibus simili HALLERUS tam scrupulosus fuerit. Primus a me §§. I, & II. descriptus uterus(a) ob molem non ordinariam, figuram extrinsecam non consuetam, & structuram intrinsecam bilocularem omni sane attentione dignus est. Uterus enim ancillæ, qui in virgine solet esse minimus teste HALLERO (b), hic prægrandis fuit, ita, ut in scæminis multiparis illum majorem me vidisse non meminerim. Si figuram externam penitus consideremus, illam perfecte cum CATTI descriptione convenire observabimus. Superior enim pars
instar

instar semicirculi cava erat; hac ex depressione illa figura nascebatur, qua imperiti pictores cor pingere solent, & ex quo ILL. BAGARD (confer. §. VII. in not. b) primo intuitu uterum duplicem augurabatur. In structura interna loculamenta illa corporis uteri duo (*c*) a se invicem angulo satis amplo secedentia (*d*), in medio lata, ad tubas contracta & acuta, carne circum crassissima ad tubam extenuata circumscripta (*a*), si non illam, quæ cornua quadrupedum uterina habent, exactissimam referunt figuram, eorum tamen fabricæ sunt quam maxime analoga: ipsa etiam capacitas utriusque loculamenti solito insignior multum admirationis excitabit, si cogitemus, in utero virginis simplici non esse tantam, quanta est in uno istorum loculamento! ut nihil dicam de figura intrinseca ejus triangulari, hic oblongiore, aliisque omnino lineis terminata (*f*). Septum intermedium crassitiem septem linearum cum haberet (*g*), multum enim vero excessit reliquam uteri corporis crassitiem, quæ
ma-



maxima quatuor linearum fuit (*h*). Differt itaque hoc septum plurimum ab illo, quod CATTUS observavit, illud enim paulo tenuius fuit quam reliqua fundi tunica. Crassissimus etiam erat paries uteri intermedius ab ILL. EISENMANNO observatus referente CL. GRAUEL l. c. pag. 33. In figura CL. ACRELL de septo nulla fit mentio, & videtur hic septi intermedii substantia in perficiendis privis cornuum cervicibus (*i*) fuisse consumpta. Septum ab ILL. WALTERO observatum sat crassum quidem erat, sed illo a me observato longius descenderat, cum mediam fere regionem cervicis occuparet. Icon denique ipsa hujus uteri a me exhibita (*k*) præ aliis hoc sibi vindicat, quod hac præparatione integrum adhuc orificium unius cornu ad partem supremam cervicis conspiciatur (*l*), cum aliud cornu utpote apertum & ipsius cornu capacitatem & septum cornibus intermedium (*m*) exactius præ aliis figuris exhibeat. Figura EISENMANNI (*n*), mei quondam PROFESSORIS nec non DE-



CANI, cum inauguraliter Argentorati 1764 disputarem, septum intermedium exactius quidem mea hac icone refert, dissecta videlicet utraque uteri cavitate, sed in hoc maxime differre videtur utraque, quod ipsæ hæ cauitates non illam capacitatem habeant, neque fundus uteri uti in CATTI & mea observatione semicirculi modo cavus esset, sed summopere convexus, imo solito elevatior ibidem depingatur (o).

(a) Vid. Tab. III.

(b) l. c. Part. II. pag. 53.

(c) Tab. III. lit. FFFF LLL.

(d) Tab. III. lit. E.

(e) Ibid. lit. G H O O.

(f) Ibid. G H.

(g) Ibid. lit. I.

(h) Ibid. lit. K.

(i) l. c. fig. II. pag. 310. lit. b c.

(k) Tab. III.

(l) Ibid. lit. M.

(m) Ibid. lit. G I.

(n) l. c. Tab. I. fig. I.

(o) Ibid. lit. A.



§. XI.

Uterum aniculæ (confer. §. III, IV, & V not. a) cornuum characteristica præcellere illi, quem §. I & II descripsi, & naturæ uterorum bicornium in quadrupedibus reperiundorum proxime accedere, ex simplici etiam aspectu facile dignoscitur. Hic enim non solum evidentia cornua, nullo septo intermedio separata, in tubas se continuant (*a*), sed ipsa cornuum natura magis magisque extenuata, & relate ad reliquam uteri substantiam quasi membranacea, quadrupedum utero bicorni eo magis fit analogæ; horum enim cornua, ut monet, ILL. HALLERUS, sensim extenuata denique in tubas continuantur, & ex hoc potissimum GALENUM refutat, quod cornua sua paulatim angusto sine testi doceat adhærere. Uterum a me §. III, IV & V. descriptum si GALENI tempore, atque eo ipso neque de tubis, neque de illorum existentia edoctus observassem, illum per cornua testi adhærere insus dixissem, idque eo magis, quo propius



pius cornua illa a fundo uteri lateraliter
secedentia aliquam adhuc uteri carnem
referebant, quæ sensim tamen diminue-
bantur, & digitis explorata potius mem-
branacea, quam ex uteri carne firmula
adpercipiebantur, cavumque insuper ab
initio latum, paulatim tamen magis ma-
gisque angustum referebant (*b*). Ceterum
reliqua hujus uteri fabrica tam quoad fi-
guram externam, quam structuram inter-
nam adeo a consueto naturæ tramite aber-
rat, ut illam neque cum quadrupedum
uteris, neque cum aliis circa uteri huma-
ni præternaturalis utut copiosissimis ob-
servationibus absolute (*c*) comparare pos-
sim; mihi saltem non constat: analogi
quid apud observatores reperiri. Cervix
illa oblonga (*d*) nullo orificio proprio
præter foraminulum subtilissimum (*e*) va-
ginam infringens, in medio summopere ar-
cta, foramine hic in reliquam mediam ute-
ri substantiam seu fundum penetrans (*f*),
cavum tandem in media hac uteri sub-
stantia subrotundum (*g*), ex utroque late-



re orificio fat notabili ovali in continua cornua ducens (*h*), phænomena sane sunt in suo genere fere unica (*i*).

(a) L. c. Tom. VII. Sect. II. pag. 101.

(b) Tab. IV. fig. 1. lit. R R fig. 2. lit. B B fig. 3. lit. C C. fig. 4. lit. D.

(c) Confer. Eisenmannum & Hallerum 1. c. §. VI.

(d) Tab. IV. fig. 2. lit. CCCC e f.

(e) Ibid. fig. 2. lit. d.

(f) Ibid. fig. 2. lit. h.

(g) Ibid. fig. 3. lit. B.

(h) Ibid. fig. 3. lit. a a.


(i) EISENMANNI observatio 1. c. in not. o cum mea in hoc videtur aliquid commune habere, quod in cervicis parte superiore membranam satis fortem reperiret, quæ valvulæ instar aditum cervicis ad uteri fundum interciperet. Plicula illa vid. Tab. IV. fig. 2. lit. ii. fig. 3. lit. b. valvulosum illud EISENMANNI videtur imitari. Etiam corpus uteri apud EISENMANNUM legitur exiguum fuisse, & fundi angulos lato satis orificio se in tubas aperiisse, atque per hoc etiam rudimenta saltem aliqua meæ observationi analogæ exhibet. Forte etiam a Domina DE LA MARCHE observatæ ad ori,




orificia uteri bipartiti valvulæ, quas describit & depinxit (vide ejus instruct. famil. & util. &c.), referri poterunt.

§. XII.

Si uteros quadrupedum in VESALIO (a) depictos perspicimus sine fundo, tubis seu cornibus latissimis, & orificio satis amplo in uterum apertis, rationem forte invenimus: quare de natura uteri bicorni adeo circumspēcte pronuntiaret accuratissimus HALLERUS, malletque tales uteros potius *semiduplices* dicere (b). Cum tamen in frequentia illarum præternaturalium conformationum aliqui uteri se potissimum cornibus plus minusve recurvis & extenuatis, orificio etiam sat amplo in tubos patulo, non solum distinguant, sed & hunc privum characterem simul præferant, quod cervicem habeant communem, unico orificio interno in vaginam terminatum, epitheto *bicorni*, quo CATTI, PAULINI, SYLVII apud ROLANUM, BAUHINI, HOMELII, BAGAR-



DII, ACRELLII, WALTERI & *duos* a me observatos *uteros* (confer. §. I, II, III, IV, V.) refero, satis apposite designari credidero (confer. §. VIII.); e contra assentiente etiam CL. CALLISEN *bifidos* illos nominavero, quorum fundus uteri non depressus, neque externa ejus sensibilibiter prolongata fuerunt, cum his forte etiam uterus ab EISENMANNO (c) depictus convenit, in quo fundus linea convexa circumscriptus est, uterque etiam in tota sua figura extrinseca a communi fabrica nihil alienum habet. Ex hoc capite *biparti* seu *semiduplices* uteri cum *charactere*, quo ad fundum magis minusque *bicorni* nominandi erunt illi uteri, quos GRAUEL fig. I. LITTRIUS, MAJUS, EISENMANNUS, BOEHMERUS, CALLISEN & PURCELL (confer. §. VIII. in nota d) observarunt. Neque nimium dixero, si uteros vere *duplices* stricte loquendo nullos hactenus observatos esse contendam, cum alias etiam quatuor tubas, totidemque testes reperire, necessum fuisset.



(a) De Hum. Corp. Fabr. Lib. V. fig. 28, 29.

(b) l. c. Tom. VII. Sect. II. pag. 50.

(c) Etiam ipse CL. GRAUEL l. c. pag. 33. de hoc utero dicit: „ Uterum in externa
„ facie nil peculiare ostendentem caute
„ aperiebat, internam nobis cavitatem
„ demonstraturus, cum ecce miro na-
„ turæ lusu *bifidus* sese obtulit,,.

§. XIII.

Ut uterum ille §. III. IV. & V. caractere suo bicorni, & singulari reliqua sua structura inter rarissimas mereatur referri observationes; ejus tamen vagina ad uteri orificium internum tubo non infracto phænomenon cæteris adhuc multo rarius atque præstantius esse videtur: invenimus quidem apud HIPPOCRATEM jam vestigia orificii uteri membrana clausi, dum ait (a): „ Cum mulier genituram
„ suscipere non potest, necesse est, mem-
„ branam supercrevisse in osculo utero-
„ rum,,. Hujus membranæ ad osculum uteri existentis præsentiam egregia observatione ita confirmat ILL. MORGAGNUS (b):
„ In-



„ Incisa vagina, osculoque resecto cum in-
 „ trospiceren, exiguo ab ipso intervallo
 „ oculis se objecit membrana albida, ipsum
 „ fortasse coarctans, certe occludens: eaque
 „ siue descendentem siue ascendentem specillo
 „ obstabat,,. Meæ autem observationi, ap-
 parente scilicet nullo orificio uteri interno,
 quam maxime analogam video illam FABRI-
 CII AB AQUAPENDENTE dicentis(c): „Se ob-
 „ servasse membranam, quæ vaginam effor-
 „ mabat per totum continuam, & uteri ori-
 „ ficiū celantem,,. Digitisim missis hoc in
 femina viva observavit FABRICIUS AB AQUA-
 PENDENTE; LITTRIUS(d) illo felicior etiam
 in cadavere atque sectione demonstra-
 vit. Rei dignitas jubet LITTRII integrum
 textum eo magis hic inferere, quo plus
 luminis explicando phænomeno uteri a
 me observati ejus explicatio afferre vide-
 tur: „Femina 50 annorum in matrimo-
 „ nio 19 annorum sterilis, ictu sclopeti
 „ exanimatur: periodicum fluxum, dum
 „ viveret, habuit parvum, & hoc potissi-
 „ mum tempore fuit multum inflata, &
 „ dolo-




„dolorum habuit plurimum, elapsis præ-
„terea aliquibus annis expectorabat, ipsa
„que etiam saliva commixtum expuebat
„sanguinem,,. LITTRIUS aperiendo ca-
daver causam omnium horum symptoma-
tum ipsiusque sterilitatis facile detexit;
„Orificium uteri internum membrana,
„qua vagina intus obducitur, erat clau-
„sum, eaque orificio uteri firmiter erat
„annexa, ac ad vaginæ superficiem fora-
„mina habuit duo exigua, in diametro
„quartam partem lineæ non excedentia.
„Cervix uteri solito duplo longior erat,
„ideo sine dubio, quia uteri corpus sub
„tempus periódici fluxus necessario sum-
„mopere intendebatur ad sanguinem in
„ipso contentum per duo tam exigua fo-
„ramina urgendum. Sic etiam sanguis
„longiore ejus mora cavum uteri exten-
„derat, lateraque ipsius fecit magis exte-
„nuata. Cavum utriusque tubæ præfer-
„sertim ad uteri aperturam solito majus
„fuit, quia aqua in tubis collecta in ute-
„ri cavum utpote sanguine plenum adeo
„faci-



„facile se evacuare non poterat,,. Nonne & nostro in casu cervix uteri longior fuit, ipsumque uteri corpus eo magis in rotundum forte mutabatur cavum, quod cervicis angustiae superiores jam moram sanguini ponerent, quam maximam ob unicum illud vaginæ foraminulum fuisse merito suspicor, & quod uterus a me observatus in primogenio jam architypo bicornis fuerit, ipsa etiam cornua hac mora plurimum extensa fuisse, eo facilius credidero; quod præterea cervice nondum aperta, pulchro spectaculo viderem: pressio utero per vaginæ foraminulum bullas subrotundas viscidas exprimi, dissecta postea uteri cervice viscidam mucosam materiem hic copiose collectam invenirem, atque in ulteriore pressione etiam per foraminulum illud ad cervicis partem supremam similis mucosa, & quasi vitrea materies per ipsum hoc foramen in rotunda corpuscula figurata extruderetur, cujus copiosa scaturigo reperiebatur postea in ipso corporis uterini subrotundo

cavo



cavo sic dicto cornuum atrio. Nonne inde non improbabilis nascitur conjectura: angustiam cervicis, & quasi clausum uteri orificium insignes hic moras posuisse? Et si autem apud affines hujus aniculæ, & coevas aniculas inquirerem, utrum ipsa menstruata in juventute fuerit, id explorare non potui; potius illam optima semper usam fuisse valetudine affirmarunt.

(a) De sterilit. n. 13.

(b) l. c. Epist. XLVI. art. 17.

(c) De Chirurg. operat. ubi de vitiis quorum caus. feminæ concub. non admitt.


(d) Hist. de l'Acad. R. des sc. an. 1764.

§. XIV.

Superfœtationem uti gravibus argumentis GRAUELIUS (a) & EISENMAN-
NUS (b) stabiliunt, anatomicorum vero prin-
ceps HALLERUS illam possibilem esse om-
nino existimet (c); sic illius possibilitatem
reperi uteri *bicornes, bifidi, & semidupli-
ces* ad oculum demonstrant. Hoc enim
naturæ lusu, uti optime animadvertit CL.
CALLISEN (d), præsupposito possibilis erit,

M

at-



atque juxta immutabiles naturæ leges exponibilis. Cum autem argumentum hoc a citatis supra ~~summis~~ sane VIRIS jam pro dignitate tractatum fuerit; aliqua ego solum addam, quæ ad meas observationes plurimum facere videntur.

(a) l. c. §. XIV. pag. 27. & 28.


(b) l. c. ad Tab. IV. n. 10. item irrefragabili testimonio per communicatam ipsi observationem CL. LE RICHE, quam IPSUS mihi sæpe enarravit.

(c) l. c. Tom. VIII. lib. XXIX. Sect. V. §. XVIII.

(d) Collect. Havn. Volum. I. pag. 147.

§. XV.


In utero ancillæ §. I. & II. a me descripto conceptus si unquam in uno alterove cornu factus fuisset, mutatio ista ad claudendum os uteri internum nullo modo suffecisset, cum os uteri etiam simplicis teste HALLERO (a) non statim claudatur, & cervix octava hebdomade primum in situ mutari soleat (b). Potius igitur ovulum uni aut alteri cavitati nexum



xum ostium sibi vicinius (*c*) obtexisset, orificio interim uteri interno, annexaque cervice per tempus aliquod nondum mutatis. His rite perpensis non video, cur, GRAVELIO idem jam observante (*d*), alterum uteri cornu adhuc apertum ferius concipere non valeat, cum unicuique cornu respondeat suum orificium, tuba, ovarium. Si in genere simul notabilem hujus uteri bicornis magnitudinem spectemus, substantiam utriusque cornu fat crassam, & capacitatem insuper majorem illa, quæ in utero consuetæ figuræ esse solet, novam facilitatem reperiemus conceptus in una cavitate, vacua interim altera, præsertim cum septum intermedium reliqua uteri carne crassius his in casibus efficaciter resistat, & sic extensionem ex una saltem parte concedendo, obliterationem alterius cavi impediat, quod ingeniose jam EISENMANNUS (*e*) animadverterat. Quo jure autem GRAVELIUS (*f*) dicat: Quod inter superfœtationis impedimenta possit esse



inprimis in utero bipartito nimis valida oris hujus clausura, eo minus video, quod ipsa oris uterini clausura in utero simplici necdum perfecte demonstrata sit (*g*); admissa enim hac etiam clausura in utero vere bicorni, illa potius esset referenda ad *unum* aut *alterum* utrique cornu *privum*, & ad cervicis partem supremam *patulum orificium*. Obliterato (*h*) igitur uno horum cornuum orificio cervix cornuum communis (*i*), eiusque orificium (*k*) semper adhuc immutata manebunt. Neque possum intelligere EISENMANNUM (*l*), cur septo cornibus intermedio, non longe per cervicem descendente, superfœtationem difficiliorem credat; ego certe ex mea hac observatione faciliorem judicarem, quam in utero septo ad orificium usque internum diviso. Si enim ex mutatione a conceptu tantæ in orificium uteri internum essent vires, sane facilius propagarentur illæ in sic diviso ad orificium internum usque per septum intermedium utero, quam in utero bicorni, in quo ad
cer-



cervicis partem supremam septum finitur, & *duo* jam *priva*, uti hac mea in observatione videre est (*m*), *orificia* efformat. Videntur autem eruditissimi hi viri partim viribus primis conceptionis diebus orificium uteri internum mutantibus nimium tribuisse, partim septum intermedium nimis debile statuisse, atque ideo existimasse: Hoc ipsum septum cedendo viam in aliud cornu seu cavitatem intercipere, & ita superfœtationem impossibilem facere. Huic meæ opinionî robur accedit ex ipsa EISENMANNI sententia (*n*) dicentis: illos uteros, qui duplices videlicet sibi appositi sunt, minus plurium fœtum incrementum impedire, ac illos, qui septo unico sunt divisi; in prioribus enim ex duplici septo parietem componi integerinum supponit: firmior igitur ex duplici hac carne nascetur, quam ille, qui in utero bicorni & bifido reperiri soleat. Meum igitur uterum vere bicornem, cum parietem integerinum habuerit, reliqua ejus substantia multo crassiolem cum cavitate utriusque



que cornu valde notabili, hæ exceptiones, aut si mavis animadversiones neutiquam tangere possunt, eoque minus, cum ERSENMANNUS (o) uterorum a se observatorum cavitatem dimidiam solum dixerit unius ordinarii uteri, quæ tamen in singulo cornu a me observato etiam consueta diametro major fuit. Quod partum ipsum attinet, uterum §. I. & II. a me descriptum diversis temporibus ex una parte suffecisse illæsa altera, ex ipsa fabrica demonstratu erit satis facile. Rationem sufficientem hoc in casu ita reddit GRAUELIUS (p):

„ In casu uteri bipartiti licet una eademque convellatur matrix, attamen pari ratione foetus maturus, partus tempore, membranis primum, dein capite, mox toto corpore parietem integerinum tam arcte ad alterius partis latus apprimat, ut inibi hærenti embryoni viam ad exitum præcludat, qui pacatis omnibus tam diu delitescere potest, donec & ipsum, ut vitales hauriat auras, vocet natura,,. Sane in illo ancillæ a me observata

serva-



fervato utero his omnibus tam tempore gravitatis quam in ipso partu sustinendis abunde provifum fuit pariete integerino robultiffimo craffitie reliquam uteri fubftantiam multum excedente.

- (a) l. c. Tom. VIII. Lib. XXIX. pag. 406.
- (b) Ibid. pag. 407.
- (c) Tabul. III. lit. M.
- (d) l. c. §. XVIII. pag. 35.
- (e) l. c. ad Tab. IV. n. 6.
- (f) l. c. § XX. pag. 38.
- (g) Vid. HALLERUM l. c. Lib. XXIX. pag. 406.
- (h) Tab. III. lit. M.
- (i) Ibid. lit. E R.
- (k) Ibid. lit. Q.
- (l) l. c. ad Tab. IV. n. 10.
- (m) Tab. III. lit. R M. In ACRELLII autem obfervatione (conf. §. X.) uti præter cervicem cornibus communem utrumque cornu fingularem habuit cervicem, illam a conceptione fequentem mutationem in communem cervicem nihil omnino potuiſſe & ratio dictat, & partis fabrica fuadet. Quod autem in hoc caſu ſuperfœtatio non ſecuta fuerit, (pepererat enim illa mulier) aliæ videntur obſtetiſſe rationes, quarum plures apud GRAVELIUM l. c. §. XX. reperiuntur.

(n)




(n) l. c. ad Tab. IV. n. 10.

(o) Ibid. ad n. 6.


(p) l. c. §. XIX. pag. 37.

§. XVI.

In altera mea observatione uteri vere bicornis cum structura insuper reliqua valde singulari, orificio vero uteri apparente nullo, vaginaque non infracti tubi, foraminulo unice perforata; (confer. §§. III. IV. V.) supervacanea forte quæstio videbitur, an unquam conceptus, ne dicam, superfœtatio locum habuisse potuerit? Cum autem apud ILL. HALLERUM legamus (a) numerosam seriem feminarum, quæ conceperunt, & pepererunt, cum vel perangustus vaginæ esset aditus, aut omnino integra membrana, aut coalitus per morbos natus, aut os uteri nullum, & nostram aniculam adhuc iuvenulam concipere, & vi fabricæ etiam superfœtari potuisse, non male forte statuimus, utut etiam vagina tubi esset non infracti; foraminulum enim illud (b) in
cer-



cervicem uteri penetrans ad conceptum suffecisse, facile percipitur, præsertim si adstipulemur sententiæ ILL. WALTERI dicentis (c): „Minime necessarium est, „in coitu omnis feminis substantia per „vaginam, uterum & tubas ad ovaria „pervenire, ut homo nascatur,,. Scio equidem, ILL. HALLERUM illi sententiæ minus adstipulari, & observata huic sententiæ faventia (d) per hoc velle enervare: quod in illis atretis, ut in virginibus arctis, vis insanientis mariti obstacula superaverit, quæ ex cruenta & lacera carne facile potuerunt renasci, uti cruenti digiti conascuntur. Egregia autem ad hanc rem facientia observata ILL. WALTERI tam in femina civica adhuc superstite (e), quam in infelici filia (f) undis submersa, insanientes maritos tale quid non posuisse, abunde confirmant. Aniculam nostram neque virginem moralem neque physicam amplius fuisse, illa, quæ circa vaginæ ostium §. III. descripsi, uti fidem faciunt, sic in eam opinionem adducere quemvis



debent, quod conceptus stante hac vaginæ, ipsiusque uteri mirabili fabrica si non impossibilis, saltem difficilior fuerit? Casu autem posito, quod conceptus locum habuisset, partum difficillimum fuisse, aut ob summam cervicis angustiam, ipsamque vaginæ non appositam conditionem fere impossibilem, ratio suadet: neque improbabilis est conjectura, quod cornuum, reliqua uteri substantia tenuiorum, aut ipsius uteri in parte anteriore tenuioris (conf. §. IV.) ruptura ex graviditate progrediente metuenda fuisset, uti in admodum singulari illo a DIONIS(g) descripto casu factum est, in quo infans sex mensium in ventre matris reperiēbatur ob rupturam portionis uterinæ tenuioris, in qua recondebatur.


(a) l. c. Tom. VIII. Sect. 1. pag. 20.

(b) Tab. IV. fig. 1. & 2. lit. d.

(c) Nouv. Mem. de l'acad. Roy. de Berlin an. 1774. pag. 85.

(d) l. ant. cit. pag. 22.

(e) l. ant. cit. pag. 86. Postquam feminam septem ante menses visitaverat, & ostium vaginæ perfecte clausum membrana hy-
meni perfectissima simili invenit; Mari-
tus




tus gaudio perfusus refert: uxorem esse gravidam insuper habito hoc obstaculo, „ protestant en meme tems par tout ce „ qu'il y a de plus sacré, qu'il n'avoit „ jamais puis réussir a introduire le „ membre viril dans le vagin, ou par „ consequent il n'étoit pas entré une „ seule goutte de semence,,. Quod tam verum fuit, ut instante partu membrana orificiū occludens prius debuerit dissecari.

(f) Ibid. pag. 87. & 88. In filia undis submersa membrana orificiū vaginæ claudens reperiēbatur, post illam integerimum hymen, & tamen orificiū uteri internum erat lacerum, ut expertissimus de his rebus iudex WALTERUS affirmare non hæsitet, filiam illam fuisse a duobus vel tribus mensibus gravidam, opineturque, abortu procreato uteri orificiū illam induisse formam.


(g) l'Anatomie de l'homme pag. 361.

§. XVII.

Providam uti in omnibus observamus naturam, sic in illis partibus, quæ ad ejus perennitatem potissimum videntur facere, adhuc magis sollicitam esse ex lusu circa partes genitales in sexu masculino non



infrequenti(*a*), & in sexu sequiori, uti nova in dies hoc observata testantur, adhuc frequentiori (*b*) non male arguitur. Rationem autem modumque edisserere, quomodo hoc contingat, res sane difficillimæ est indaginis. Dum similibus difficultatibus MORGAGNUS irretitus (*c*) esset, melius se expedire non potuit, quam candide fatendo: „Quod ad me attinet, „in multis, & si velis, in quam plurimis „casum accusavero, in quibusdam aliud „aliquod potius, quod me fateor non intelligere,„. Magni HALLERI verba huc apprime videntur pertinere dicentis (*d*): „Hoc irrefragabili testimonio videor mihi „hi vicisse, in semine quidem vegetabili, „& in animalium ovo, causam fabricæ „futuræ latere, quæ cum quaque specie „sempiterna conservetur. Esse vero etiam „causis supervenientibus, alimenti copiam, inopiæve, impulsioni validæ, vel „debili, aliisque causis minus notis suam „potestatem, quæ possit varie partium „fabricam mutare, tamen ut intra suos „limi-



„ limites maneat,,. Impulſionem validiorem ab arteriis ſpermaticis & uterina numero pluribus, vel robore inſignioribus, procedentem non inſimam cauſam forte accuſare poterimus metamorphoſium circa has partes frequentiffimarum, potiſſimum ſi opus naturæ non inſolitum eſſe cogitemus in immutandis his arteriis(*e*), ſimulque perpendamus, in utero ſecundum naturum ſe habente eſſe jam aliqua rudimenta diviſioni faventia(*f*), quæ efficaciſſe evoluta, nutrita copioſius, aliisque convenientibus cauſis nunquam forte detegendis ad uteros, vaginasque numero plures, ſtructura & figura differentes multum conferant. Similibus ſpeculationibus ulterius indulgere vetat ſapientiſſimum MORGAGNI monitum adnotantis(*g*): quod ſimiles explicationes, quæ a viris etiam doctiſſimis prodierunt, nihil magis oſtendant, quam ne ingeniis quidem excellentibus licere in quibusdam exemplis quæ neque poſſint negari, neque intelligi, aliter explicandis difficultates effugere, quin
ſe



se in majores, si quæ ex propositis consequerentur explicationibus, spectare velis, plane coniiciant; ubi igitur metam ingenio humano non assequendam perspicimus, hanc nostram rerum humanarum penuriam consolemur his HALLERI aureis verbis (*h*): „Si rerum naturam concipere
 „possemus, uti Deus, qui nobis imper-
 „fectis entibus multo certius existit, de-
 „monstrante Socrate & Platone, tunc
 „non uteremur aut causæ nomine, aut ef-
 „fectus, sed omnia videremus, uti simul
 „existunt,,.

(*a*) Vid. l. c. EISENMANNUM Tab. I. ad not. d.

(*b*) Ibid. Tab. II. n. 1. 2. 3 4. 5. 6. 7. 8. 9. 10. 11.
 12. 13. 14. 15. 16. 17. 18.

(*c*) l. c. Epist. XLVIII. art. 54.

(*d*) l. c. Tom. VIII. Sect. II. pag. 143. vide
 HALLERI Icon, anat. fasc. IV. art. pel-
 vis pag. 37.

(*e*) lit 1, & n. 14.

(*f*) Vide HALLERI Element. physiolog. Tom.
 VII. part. II. Sect. II. pag. 51. Icon,
 anat. fasc. II. fig. 2. lit. F & in not. a.

(*g*) l. c. Epist. LXVII. art. 16.

(*h*) HERM. BOERHAAV. Comment. instit. med.
 Tom. VI. pag. 95.

EX-



EXPLICATIO FIGURARUM.

Tab. III. fig. I. Uterum ostendit muliebrem bicornem ancillæ viginti circiter annorum, anno 1776 mense Novembri cultro anatomico subiectæ. Vagina atque uterus a parte postica, intestino recto respondente, per longum resecta sunt, ita tamen, ut sectio per cornu dextrum continuaretur, integro relicto cornu sinistro.


AAA. Vagina a facie postica dissecta, atque explanata parte anteriore notabiliter rugosa, profundiore rugis etiam sat notabilibus conspicua.

BB. Exigua portio cutis seu pudendi aliquæ reliquæ.

CCC. Hymen laciniatum quidem, integro tamen annulo vaginæ adhuc continuum.

DDDD. Labium posterius oris uteri interni, ipsiusque cervix longitudinaliter dissecta.

E.



- E. Divisio uteri ad partem cervicis supremam in duos loculos seu cornua.
- FFFF. Cornu dextrum continuata sectione, quæ per DDDD indicatur, ad continuam usque tubam apertum.
- G. Cavitas cornu dextri sat ampla, longitudinalis,
- H. Superius acuminata, & in tubam prolongata.
- I. Septum intermedium utrumque cornu separans crassitie septem linearum.
- K. Labia cornu dextri dissecta, in medio quatuor lineas crassa.
- LLL. Cornu sinistrum adhuc integrum.
- M. Orificium cornu sinistri in cervicis uterinæ partem superiorem patulum.
- N. Fundus uteri in medio notabiliter depressus,
- OO. Prolongatus atque acuminatus prope tubas.

PP.



- PP. Latera utriusque cornu ad se invicem convergentia.
- Q. Oris uteri interni pars suprema seu labium anterius.
- R. Cervix pulcherrime rugosa & palmata.
- S. Rudimentum aliquod futuri farcomatis ad cervicis partem supremam.
- T. Corpus subrotundum, induratum, prominens in vaginam.
- VV. Tubæ hic inflatæ.
- XX. Ovaria.
- Y. Ligamenta uteri lata.
- Z. Eorum portiones crassiores.
- (b) Ligamenta uteri rotunda.

Tab. IIII. fig. I. Uterum ostendit muliebrem aniculæ nunquam nuptæ, neque puerperæ, conformationis quoad omnia singularis, evidentissime bicornem, una cum vagina, ductu ad orificium uteri internum neutiquam infracto, sed integerrimo, sine cæco, nullo orificii interni apparente vestigio finita, & subtilissimo

O solum



solum foramine perforata. Vagina etiam hic parte postica intestino respondente per longum dissecta est, integro adhuc informi utero. Dimensiones naturæ exactissime respondent.

AA. Labia pudendi.

BB. Nymphæ.

C. Clitoris.

DD. Ejus præputium.

E. Orificium urethræ, quod ambit corpus glandulosum.

FF. Ventriculi duo in vestibulo vaginæ conspici.

GG. Hymenis reliquiæ, sinisterius rugosæ, dexterius adhuc laciniatæ.

HHH. Vagina facie postica dissecta, atque explanata, & anteriore & profundiore parte rugosa, plusquam dimidia vero parte prima seu superiore levissima.

I. Rugarum crassa columna superior seu anterior, papillis confertissimis & contractissimis oblonge tumida,

KK.



KK. Inferius, sat alte tamen super ingressum vaginæ in duo sat notabilia tubera desinens.

L. Cæcus sub illis a replicata vagina natus ventriculus semicircularis.

M. Pars vaginæ hymeni proxima sine rugis levissima.

NN. Columna posterior per medium resecta.

O. Uteri portio inferior seu cervix, hic ex parte postica referens tuber crassum & oblongum.

P. Cervicis seu tuberis crassi pars superior insigniter diminuta atque contracta.

Q. Corporis uteri pars media tuberosa, quæ

RR. in duas laterales acuminatas portiones seu duo cornua secedit, dextro cornu crassiore, & longiore sinistro.

S. Notabilis depressio inter utrumque cornu.

T. Tubæ aere distentæ.

V. Ovaria valde exigua.



X. Ligamenta lata.

Y. Ligamentorum latorum portiones crassiores, ovaria fulcientes.

Z. Ligamenta uteri teretia.

aaaaa. Sectio vaginæ & labiorum.


bbb. Ductus vaginæ utero connexæ non infractus, integerrimus, levissimus, nullo apparente orificio uteri interno, fine cæco terminatus.

c. In medio hujus continuæ vaginæ vallecule aliqua, seu ipsa vagina non nihil depressa.

d. Foraminulum in medio vallecule in vicinam & connexam uteri substantiam penetrans.

ee. Sinisterior portio columnæ posterioris NN per medium rescissæ, dupliciter plicata, & plica magis exteriori rugæ ex hymene reliquæ connexa.

f. Dexterior portio ejusdem rescissæ columnæ ad dextram hymenis laciniam usque rugosa.



g. Finis cæcus tuberibus KK columnæ anterioris intermedius.

Fig. II. Eundem uterum & superiorem vaginæ portionem sistit, sectione longitudinali a parte postica resectam. Corpus uteri tuberosum oblongum hic apertam cervicis cavitatem figura valde singularem & oblongam exhibet. Immissa per vaginæ foraminulum est feta, quæ per dissectam cervicis partem iterum egreditur.

A. Corpus uteri clausum.

BB. Cornua ex utroque latere.


CCCC. Cervix uteri dissecta ejusque crassities, integra relicta portione infima, vaginæ connexa.

aa. Sectio vaginæ.

bbb. Ductus vaginæ utero connexus non infractus integerrimus, nullo apparente orificio interno.

c. Vallecule in medio finis cæci.

d.



- d. Foraminulum valleculæ, per quod facta immissa est, quæ per dissectam cervicis partem egreditur.
- e. Cavitas cervicis vaginæ proximior, dilatata non nihil, & pulcherrime rugosa.
- f. Eadem cavitas superius contracta, angusta, & oblonga,
- g. Uteri corpori vicinior non nihil iterum dilatata,
- h. In rotundum foramen definens.
- ii. Membrana uteri interna in plicam hic non nihil protracta, foramen elegantissime circumscribens.

Fig. III. Uteri corpus ostendit unum cum duplici cornu, relicta aliqua parte cervicis superiore. Sectio per foramen cervicis in corpus cavum penetrans, ipsamque uteri substantiam longitudinaliter est facta.

AAAA. Sectio portionis superioris cervicis per ipsi continuum foramen, & uteri sat crassum corpus.

B.



B. Cavum corporis uteri seu atrium cornibus intermedium.

CC. Cornua.

aa. Orificia cavi ad cornua ducentia.

b. Plicæ portio anterior foramen circumscribens adhuc integra.

Fig. IV. Eadem est ac prior, sectio autem ex cavo uteri per cornu dextrum, diviso ejus orificio, lateraliter est instituta, & ad tubam usque continuata.

AAA. Sectio portionis superioris cervicis & corporis uteri.

B. Cavum corporis uteri.

C. Cornu finistrum integrum.

D. Cornu dextrum apertum, cavum referens oblongum versus tubam ascendendo contractum atque acuminatum.

EE. Portiones divisi cornu reclinatæ.

F. Tuba dextra, una cum ovario negligenter expressa.



- a. Orificium ad cornu finistrum ducens.
- b. Portio anterior pliculæ, foramen ad cervicis finem circumfribentis.
- c c c. Sectio cornu dextri, ejusque crassities fat notabilis,
- d. Minor, & eo magis extenuata, quo tubæ est vicinior.
- e. Tubæ portio aperta.




C A P U T III.

DE FRACTURA, FISSURIS, CONTRAFISSURIS CRANII, NEC NON DE PRÆ- TERNATURALI OSSIUM QUORUNDAM CONFIGURATIONE.

§. I.

Infelix illa puella, quæ lapsu per scalas infelicissimo mane mortua reperiiebatur confer. cap. ant. §. I. & II. effuso in pavimentum per aurem dextram copiosissimo sanguine, & in qua uterum bicornem observaveram, maximam & miram in cranio exhibuit fracturarum, fissurarum & contrafissurarum stragem, quæ partim directione priva, partim ob alia illas concomitantia phænomena omnem attentionem merentur, & ad plurima in vulneribus, fissuris, & fracturis cranii cum hæmorrhagia aurium occurrentia symptomata explicanda apprime faciunt. Cum igitur quidquid


P circa



circa fracturas & potissimum circa fissuras & contrafissuras cranii in auctoribus observatoribus disseminatum reperitur, in fertili hoc casu collectum reperiatur, quæ nunc sequuntur licet per casus singulares non nova, tamen ob mirum concursum rariora, attentione & descriptione digna judicavi.

§. II.


Ad partem ossis occipitis supremam circa tuberculum occipitale cutis erat lacerata in latitudine unciæ, vulnere in profunditate non valde notabili, neque per pericranium continuo; ceterum nihil in integumentis fuit mutatum, auris dextra madebat sanguine grumoso, & commotum non nihil caput novam per aurem dextram continuo subministrabat sanguinis undam, fissaque erat superius tubi auditorii portio cartilaginea (*a*) cum illam investiente cute. Integumentis postea cum musculis & pericranio ablatis tuberculi occipitalis vix aderat vestigium (*b*), & ab hac ossis occipitis



pitis parte superiore atque crassiore duplex incipiebat fatis levis fissura (*c*), quarum utraque vix semiuncia a se distabat una dexterius, altera magis sinisterris per omnem ossis occipitis longitudinem, ambæ in hoc itinere magis magisque a se invicem recedentes, & in descensu latiores factæ, jam veram fracturam ossis referentes (*d*) in foramen usque magnum excurrabant, illudque in ambitu diffringebant. Antequam tamen ad foramen magnum illæ fissuræ pervenirent, in portione ossis occipitis magis inferiore & transparente notabiles de prioribus excurrabant fissuræ magis transversæ. Et quidem ex fissura lateris dexteri paulo supra foramen magnum alia magis transversa secedens ad marginem occipitis dextrum supra incisuram foraminis lacerti excurrerat, inque eadem directione per vicinum os temporum infra apophysin ejus mastoideam continuata, hanc ab ipsi continua basi portionis petrosæ vera fractura tres ad quatuor lineas lata, inque cranii cavum penetrant.




te separabat, postea directione nonnihil ascendente supra foramen auditivum externum, indeque supra radicem apophysis zygomaticæ dextræ per portionem ossis temporum squammosam in futuram, quæ huic ossi cum ala ossis sphenoidei majore intercedit, in hoc tractu etiam superius per squammosam substantiam levi fissura perpendiculari aucta se extendebat. Sic excurrens fissura in itinere supra foramen auditivum tam lata erat, ut fracturam quam maxime notabilem in cavum cranii penetrantem, calamumque scriptorium admittentem exhiberet. Sinisterior per longitudinem ossis occipitis excurrens fissura in tres posteriores potissimum se dividebat, quarum superior ad vicinam futuram lamdoideam superius levissima per extimam tabulam solum penetrante aucta terminabatur; duæ magis inferiores in foramen magnum una magis interius, altera magis exterius producebantur, illudque substantia ossea intermedia tota quanta mobili & diffracta diffringebant, quod simili




mili modo continuatio fissuræ dexterioris superius jam memoratæ in foraminis magni latere dexteriore etiam effecerat (e).

- (a) Ruptura facilior hic poterat contingere, pars enim mollis meatus auditorii animadvertente HALLERO Phys. Tom. V. lib. XV. Sect. I. §. VIII. pag. 195. etiam in adulto homine partim cartilaginea est, & partim membranacea, mera membranacea est in parte intima, sive proxima membranæ tympani, deinde qua subest cartilago in parte totius meatus *superiori posteriori*.
- (b) Tuberculum occipitale uti multis in craniis quam maxime insigne reperi, sic in aliis præter ossis crassitiem aliquantulo majorem ne ejus quidem vestigium apparebat.
- (c) Mirum forte videri posset loco ubi cranium vim lapsus immediatam experiebatur fissuras fuisse diametri satis mediocris, descendendo autem multum auctas; si autem uti apprime notat WINSLOWIUS Exposit. anat. §. 225. hoc os parte superiori, quæ potentiis externis est quam maxime exposita, ab adorando Creatore copiosiore substantia munitum, e contra quo magis descendit, valde extenuatum consideramus, similium phænomenorum ratio facile reddi potest.




test. An forte os triquetrum sæpiissime reperiundum partem ossis supremam constituens ob ambitum futurarum vicinarum potentias extrinsecas suffocando analogum non posset habere usum?

- (d) Carnes illæ musculorum capitis, quæ ossis occipitis inferiorem partem transparentem atque tenuem tegunt, protegentque, utut mollitudine sua vim applicatam quasi suffocant, impedire tamen non possunt, quin concussio ex gravi lapsu vel causa quacunque superius ipsi ossi immediate applicata, & motu per reliquam ossis substantiam retro carnes reconditam communicato stragem in his ossis locis utut remotioribus, ad tantam autem commotionem ferendam imparibus sæpius faciat maximam; imo si potentia ipsi moli carniū immediate applicatur, illam ad motum suffocandum & sic sub ipsa reconditam tenuiorem ossis substantiam protegendam non semper sufficere, uti multa exempla loquuntur, sic evidentissimum habemus in illo casu, quem in dissertatione mea de carie cranii §. I. pag. 23. 24. exposui: miles scilicet, qui, cum in scamni marginem acuminatum parte inferiore occipitis sinistra rueret, & in hoc situ mortuus reperiretur, cutem non ruptam, sed sigillatam & tumentem ad locum allisionis



nis habuit, subque illa autem ossis occipitis infima, & sinisterior portio prope foramen magnum in plura frusta erat diffracta.

- (c) Varia illa & tam diversa cranii strages hoc §. descripta egregia sane exempla subministrat SWIETENII textum comment. Tom. I. pag. 413, & 414. illustrantia ita dicentis: “ differt fractura calvariae a fissura, quia in fissura proprie dicenda supereft adhuc aliqua cohæfio, in fractura autem integra obtinet solutio; unde fissura angustam in osserimam facit, fractura majorem separationem partium ante unitarum supponit. Potest jam fractura talis esse, ut fragmentum a reliquo osse liberum sit omnino, poterit & quadam sui parte adhuc unitum manere. “ Sic & in unico hoc casu confirmatum videmus, quod mox citatus magnus Commentator l. c. ulterius ita animadvertit: “ in his fissuris jam magna varietas obtinet, pro magnitudine varia, recto vel obliquo decursu, pro varia ossis cranii parte, quam occupant. “ Ex strage illa in loco ab allisione remotiore & inferiore discimus: quod utut vulnus seu locus suggillationis in integumentis capitis levis fuerit, chirurgus & in dijudicando & in prognosticando nunquam sat cautus




cautus esse possit. A iudicio chirurgi similem stragem latitantem sæpe subolefacientis, vulnerati salutem dependisse egregio exemplo in acad. reg. chir. Tom. I. pag. 23. confirmatum legimus: cum enim ex concussione perpendiculari ad parietale dextrum superius facta, ad locum cutis læsum nihil in osse mutatum reperiretur, tamen dexterrimus chirurgus FESTE ex symptomatibus iudicabat, vim concussionis forte in partem ossis magis inferiorem fuisse maiorem, audacter igitur vulnus per inferiora dilatabat, & nunc prius fissuram in ossis parte magis inferiore reperit ad os occipitis usque excurrentem, & aliam insuper transversaliter ad futuram squamosam se extendentem. Trepanatione igitur instituta æger, certe si ex simplici vulneris inspectione fuisset dijudicatus nunquam curandus, convalescebat.

§. III.

Recluso methodo consueta cranio, ad illa quæ in cranii cavo contigerant investiganda, reperi in parte dextera circa lobum cerebri posteriorem copiosum sanguinem effusum; penitus in huius sanguinis.




nis effusi scaturiginem inquirendo invenī
finum lateralem dexterum, ubi in angulo
ossis parietalis posteriore inferiore fulcum
in sculptum habet, & inde in angulo lam-
doideo ossis temporum descendit disrup-
tum; fractura enim illa notabili, quæ
conf. §. ant. apophysin mastoideam a basi
portionis petrosæ separavit, inque cavum
cranii penetravit, contigit: ut de basi os-
sis petrosi ita diffracta, & magis interius
commota festuca satis acuta promineret
huic sinui infixæ, quem itaque mechanica
vi disciderat, dilaceraveratque. Et cum
hoc ipso loco hiatus fracturæ esset satis
notabilis, qui supra foramen auditivum
pergeret conf. §. ant. hinc sanguini sinus
venosi dexteri utpote laceri via patebat
& intra cranium, & quam facillima extra
cranium, ipsa enim huic fissuræ correspon-
dens cartilago auris cum investiente cute
conf. §. ant. & not. (a), ubi in meatum
auditorium continuatur, erat fissa atque
lacera, sicque hæmorrhagia aurium maxi-
ma nascebatur (a).



(a) Aphorismus HIPPOCRATIS 10. Sect. VI.
 „ Capite laboranti & circumquaque do-
 „ lenti, pus, aut aqua, aut sanguis ef-
 „ fluens per nares vel aures, vel os sol-
 vit morbum; “ anatomicis & medicis in
 stricto sensu sumptus semper fuit quam
 maxime paradoxus, nondum enim appri-
 me notante SWIETENIO coment. in aph.
 BOERH. Tom. I. pag. 452. per anatomen
 hodie cognitam detectæ sunt illæ viæ,
 per quas humores calvariæ cavo conten-
 ti sic exire possent. Foramen illud tym-
 pani, quod RIVINO solet tribui ab anato-
 micis nondum repertum est, & ab HAL-
 LERO Phys. Tom. V. lib. XV. Sect. I.
 §. XIII. pag. 204. & 205. chimæram esse,
 & propria & principum anatomicorum au-
 ctoritate demonstratur. Si autem ad insig-
 nem illam fracturam, notabilemque inter
 cavum cranii internum & aurem dextram
 in hoc casu natum hiatus attendimus,
 viam quomodo sanguis ex aure dextra
 tam copiosus, & commoto capite semper
 novus fluere potuerit, videmus non so-
 lum fuisse facillimam, sed & correspon-
 dentem sinum dexterum lacerum, cumque
 hac fractura communicantem, scaturigi-
 nem fuisse abundantem perspicimus, quæ
 tantam in pavementum sanguinis effude-
 rat quantitatem, ut ancillæ herus lanio
 diceret: se nunquam ex animali macta-
 to




to illam vidisse sanguinis copiam. Insu-
per hoc casu egregie illustrantur HALLE-
RI verba l. sup. cit. pag. 205. dicentis:
„ Quare, si quando in cerebri malis eam
„ viam sanguis legit, potuit is per fora-
„ mina, & vias præter naturam natas
prodiisse, ut in variis exemplis certum
est, potuit os petrosum cariosum, aut fra-
ctum fuisse fissumque. Sic in muliere, vi-
de MORGAGNUM de sed. atque caus. morb.
epist. LII. art. 25., quæ ex lapsu per sca-
las graviore intra horam moriebatur, &
sanguinem e naribus & altera aure effun-
debat, ossæ meatus auditorii pars cum
membrana tympani fuit disrupta. Ani-
madvertente eodem magno auctore l. c.
epist. LII. art. 30. viro ex lyguria lusco
& mendico ab ictu ad tempus sinistrum
gravi ex subjecta aure sanguis mox ex-
ivit, & cum non multo post eadem no-
cte moreretur, in sectione cadaveris in
sinistro osse temporum ferme capillaris ri-
ma observabatur ab exterioribus ad in-
teriora pervadens, pergebat autem ad
calvarie basin & ad communes usque su-
periores fines intimi meatus auditorii, &
tympani se extendebat; “ quam ob rem,
„ dicit citatus *auctor*: discludens utrum-
„ que membrana disrupta erat, hoc au-
„ tem sanguine plenum, & ille sangui-
„ nolentus. “ Tympano autem discluso



& sanguine illuc irruente, quam facile
 ad fauces sanguis pervenire possit alio lo-
 co scilicet epist. LL. art. 52. apprime sic
 explicat: " quæ facilius accident, si fis-
 ,, sura perveniat ad processum petrosus,
 ,, aut si sanguis sic prope nova tympani
 ,, foramina inter cranium, & crassam me-
 ,, ningem effusus. Per illa enim viam
 ,, esse in tympani caveam, & ex hac ve-
 ,, ro per Eustachii tubam in nares fau-
 ,, cesque, non est cur hic monstrem. "
 HIPPOCRATIS igitur supra citatus aphoris-
 mus potissimum erit intelligendus de
 evacuatione critica per vasorum anasto-
 mosin, qualem in oculis, naribus, meatu
 auditorio, & faucibus frequentem con-
 tigisse historia medica abunde testatur,
 & si solícite hunc Cor textum ad limam
 revocamus, ille non tam de forti con-
 cussione, aut vehemente lapsu loquitur,
 sed de laborante & solum dolente capi-
 te, quod igitur de aliis, non tam ab ex-
 terna quam potius interna causa procrea-
 tis morbis mihi intelligendum videtur; si
 tamen etiam a vehementissima causa ex-
 terna subsequens narium, aurium, aut
 faucium hæmorrhagia aliquid medicati
 unquam habuerit, aut habeat, hoc vasis
 in membranis meatuum unice adscriben-
 dum erit; sedulo enim animadvertit MOR-
 GAGNUS l. c. epist. LL. art. 52. „ Sed
 „ etiam extra ipsam calvarie caveam
 „ pos-

„ possunt alia (vasa) dirumpi, unde san-
„ guis per aures, nares, os effluat.“
Quando igitur ob vehementiam extrin-
secam sanguis ex auribus stillaverit.
cautum hoc symptoma semper faciat
medico - chirurgum, si enim fracturæ cra-
nii tunc huic exitum non conciliaverunt,
tamen adnotante hoc ita sedulo SWIR-
TENIO l. c. pag. 452, & 453. „ Sanguis
„ per os, nares vel aures effluens, deno-
„ tat maximo impetu causam vulneran-
„ tem caput percussisse; cum arteriæ po-
„ tuerint frangi per hanc vim; ideoque
„ summus metus est etiam illa vasa san-
„ guinea, quæ per encephalon decur-
„ runt, tunicis suis callosis orbata rup-
„ ta esse.“ Ex his igitur luculenter
perspicimus, cur narium, faucium &
oculorum hæmorrhagiæ, ecchymoses af-
fectionibus capitis gravibus sint quam
maxime familiares, & æque bene conf.
acad. Reg. Paris. chirurg. Tom. I. pag.
217, concomitari soleant casus, ubi fra-
ctura cranii cum effusione locum habet
quam alios etiam casus ubi neutrum prio-
rum obtinet.


Singulare sane erat accidens quod in
hac notabili fractura, quæ basin ossis pe-
troosi a reliqua portione ossis temporum
præsertim ejus angulo lamdiiodali & apo-
physsi mastoidea separaret, festuca de basi
hujus



hujus ossis ita secedentis prominere-
 & acutic sua sinum discinderet, dilace-
 raretque. Hac occasione in memoriam
 venit illud, quod classicus auctor BOH-
 NIUS in tract. de leth. vuln. capit. I.
 pag. 85. solícite ita animadvertit: „ ne-
 „ que tamen contrassura immediate le-
 „ thalíatem patrat sed pariter ut modo
 „ indigitatum, vel ratione sanguinis ex-
 „ travasati, vel fragmentorum insig-
 „ nium, quæ vel ab aculeis, vel mole
 „ sua membranis ac cerebro exitiosa
 „ existunt, & quorum neutrum, utpo-
 „ te haud exploratum protrahi potest.“

§. IIII.

Encephalo solícite pervestigato præ-
 ter vasa sanguine depleta immutatum re-
 peri nihil (a), hoc itaque excentrato,
 cum exsectum cranium penitus inspice-
 rem, quam maxime mirabar ad sellam tur-
 cicam fissuras fuisse plures. Et quidem
 eminentia illa transversalis, quæ intra
 duas apophyses clinoideas anteriores re-
 peritur, & retro quam declivis fossa pi-
 tuitaria mox incipit, fissuram habuit val-
 de notabilem in transversum ita positam,
 ut



ut ex parte sinistra in foramen opticum usque excurreret, dexterius autem hæc fissura in diametro duas lineas lata magis oblique descenderet retro foramen opticum sub apophysi clinoidæ hujus lateris jam recondita, & nunc capillaris facta per ossis sphenoidei magis lateralem & posteriorem partem ad foramen ovale usque pergeret. Hæc transversalis fissura ubi ad foramen opticum properavit dimisit aliam angulo quasi retrogrado, quæ magis dexterius per anteriorem ossis sphenoidei substantiam dirigebatur, & in hac directione continuata bonam adhuc partem laminæ cribrosæ finderet. Ex parte dextra ad radicem apophysis clinoidæ posterioris alia erat fissura, quæ in substantiam fellæ turcicæ satis profunde penetravit, & secundum hujus fellæ latus infra apophysin clinoidæam dextram anteriorem directâ hic cum jam superius notata infra illam descendente transversa fissura communicaret. Ex parte sinistra ad latus fellæ priori parallela sed magis capillaris neque tam alte
ascen-



ascendens fuit fissura. In superficie interna ossis occipitis ad partem ejus supremam tuberculo consueto respondentem initia fissurarum §. II. descriptarum non solum penetrasse vidi, sed & ab his fissuris duas alias capillares laminam internam solum findentes & ad futuram lamdoideam usque ascendentes (b) observare datum fuit. Ossa cranii cæterum erant ætati & habitui puellæ attemperata.

- (a) Mirum forte videbitur, quod a tam vehementi lapsu & concussione in encephalo immutatum repertum fuerit nihil, si autem ad notabilem ossis occipitis fracturam, reliquasque cranii fissuras animadvertimus: sub tali conditione motum intercipi, eumque tunc egregie monente MORGAGNO l. c. Epist. LI. art. 16. minus in cerebrum valere facile dijudicabimus. Sic etiam LITTRIUS in acad. Reg. scient. parisi. A. 1705. obs. anat. 12. & HÆVELIUS Comm. litt. A. 1741. hebd. 14. narrant casus, ubi gravissima capitis, & brevi etiam lethali allisione nil quidquam effusi inventum est; utrum autem infelix illa ancilla potius a concussione cerebri, vel a notabili per aures hæmorrhagia



gia paulo post lapsum (mane enim prius ab hero ad finem scalarum exanimis reperiabatur) mortua fuerit, eo difficilius determinavero, cum historia medica plurimas suppeditet historias, ubi unica trium harum hic confluentium causarum ad mortem subito inducendam sufficiebat. Juvat hæc aliquibus exemplis nostro quam maxime analogis illustrare: in juvenis illius robusti cadavere, qui, vide LIT-TRIUM l. f. cit., ut evitaret rotæ supplicium in carcere prono capite manibus post tergum rejectis tanta vi iniegit in parietem validissimo cursu, ut illico conciderit mortuus; illæsa calvaria reperta est, nullamque aliam habuit encephalon læsionem, quam quod non exacte calvariæ cavum repletet, & firmiter solidiusque solito appareret. Certum enim est ex vehementi encephali concussione in elementari ejus fabrica mutationes posse subito contingere, quæ mentis arcem agrediuntur, destruuntque. Quomodo autem in invisibili illa fabrica ex commotione nimia destructio fieri possit conjecturis affectus est BOHNIUS de Renunt. vul. Sect. 2. cap. I. ipseque ego in Dissertatione de carie cranii §. XI. pag. 20. & seq. fuse satis tractavi. Quanto facilius autem subita talis mors debeat habere locum, si una cum tanta cerebri commotione, fractura & effusio sanguinis intra



& extra cranium se comites adjungunt, per casum a MORGAGNO l. c. epist. LII. art. 25. descriptum & nostro apprime analogum confirmatum videmus: fœmina scilicet rustica, per scalas præceps, & intra horam demortua plurimo etiam per aures effuso sanguine in sectione exhibuit cranium, fractura in transversum ab uno ad alterum latus ante ossa petrosa per sinuum sphenoidaeorum posteriora transeunte, fissum, osseam præterea partem meatus auditorii cum membrana tympani in aure illa, quæ emiserat sanguinem, disruptam, laterales sinus laceros, cerebellum nonnihil læsum, & intra cranium multum sanguinem effusum. Subitæ hujus mortis rationem reddens MORGAGNUS egregie ita statuit l. sup. c. art. 26. „ Si „ præter hanc cerebelli qualemcunque læsionem aliæ non fuissent gravissimæ, ut „ vehemens cerebri concussio, hujusque „ & cerebelli tanta compressio, quantam „ copia effusi intra cranium sanguinis ex „ ruptis lateralibus præsertim sinibus efficiebat, num censes tam citam fuisse „ mortem? equidem non facile ipse crederim.“ In meo autem recensito casu mortem citam præter alias graves læsiones insignem hæmorrhagiam aurium præcipitasse eo magis opinor, cum ob basin ossis petrosi a fractura nonnihil elevatam ipsa festuca, conf. §. ant. & not. (a)

in



vulnus sinus dexteri dilacerati continuo apertum non solum retinuerit, sed & iude de vulnere sinus per hiatum osseum latis insignem & calamum scriptorium admittentem tubumque auditorium fissum conf. §. II. amplissima pateret via, quæ cum intra fracta ossa pergeret, collapsusque ita impossibilis fuerit, maxima & continua hæmorrhagia, si etiam mox officiosa manus chirurgica accessisset, nunquam fuisset suppressenda.

- (b) Per plurimas has fissuras in basi cranii repectas luculentissimum habemus argumentum contra illos, qui contrafissuras voluerunt negare, opinantes tales fracturas non simplici & unica concussione, sed a secundaria prius fuisse natas, uti igitur egregie adnotante QUESNAY acad. Reg. chirurg. Paris. Tom. I. pag. 214. plurimos apud auctores habemus casus, ubi contrafissuræ reperiiebantur, & tamen concussionis secundariæ ad illa loca accessus fuerit impossibilis; sic & eandem impossibilitatem in nostro casu, cum strage nihilominus contrafissurarum etiam ad os cribrosum usque extensa adfuisse evidentissime perspicimus; non tamen ideo negandum casus etiam contingere sat frequentes, ubi contrafissuræ non tam primæ, quam secundæ mox succe-




denti in opposito loco concussioni debeantur. In fertili præterea hoc nostro casu per mirum illum & varium contrassurarum tum in osse temporum tum in basi cranii decursum notabilia sane habemus testimonia sententiam egregii observatoris QUESNAY confirmantia l. sup. c. pag. 413. dicentis: non solum contrassuras locum habere de una parte ossis ad eiusdem ossis partem oppositam, sed etiam de uno osse ad vicinum, & de una parte ossis, ad ejusdem ossis partem oppositam. Et si ad fissuras illas in occipitis latere interno, quæ laminam unice internam ad futuram lamdoideam usque findebant, attendimus, præter alias contrassurarum in hoc cranio species & illam quam contrassuram laminæ ad laminam nominant, a multis auctoribus quidem in controversiam vocatam, sed exemplis veterum & recentiorum apud prime adnotante QUESNAY l. c. pag. 211. sæpissime observatam, & hic adfuisse videbimus.

§. V.

Subjungam nunc aliquos lusus osteologicos. Vetulæ caput hunc in finem a trunco inter vertebra[m] cervicalem tertiam & quartam cum separaretur, ut præ-

pa-




paratione consueta & maceratione continuata usibus osteologicis postea inservire posset, mirum Profectori videbatur, cum post sufficientem macerationem caput exactius mundare vellet nexum Atlantis in hoc subiecto solito firmiorem esse; quod cum mihi monstraret, & penitius rem inspicerem, admirabundus vidi singularem Atlantis configurationem firmioris nexus potissimam esse causam. Erant scilicet ejus apophyses transversæ solito breviores, & superius apophysibus supernumerariis valde singularibus ex utraque parte auctæ. (*a*) Ascendebant illæ ex utraque parte ab exterioribus ad interiora recurvæ & in altitudine semi fere uncia (*b*) ita, ut notabilis inter illas & vicinas apophyses condiloideas incisura nasceretur (*c*), utraque etiam apophysis supernumeraria ultra has prominere. Terminabantur ambæ fine satis latiusculo (*d*), ita tamen, ut illa ex parte dextra finem crassiolem & magis latiusculum, subrotundum, inæqualem, facicula cartilaginea obductum haberet (*e*),

cum



cum illa ex parte sinistra faciecula magis oblonga & declivi, apice obtuso & retrorsum prominente finiretur (*f*). Utraque hæc extremitas pulchro spectaculo adaptabatur facieculis ossi occipitis inter apophysis condiloideæ utriusque partem magis posteriorem, & vicinas foveas condiloideas posteriores insculptis (*g*). Faciecula ex parte dextra erat inæquabiliter cava, quasi duplicata (*h*), & extremitati apophysis supernumerariæ dextræ perfecte accommodata, cum interim illa ex parte sinistra magis declivis, parte sua anteriore & declivior (*i*) superficiem sinistræ apophysis supernumerariæ admitteret, & parte sua magis posteriori apici dictæ apophysis adaptaretur. Faciecula ossis occipitis latior ex parte dextra evidentissima cartilaginis incrustantis exhibuit vestigia, cum hoc ex parte sinistra non tam aperte conspiceretur, & jam apophysin supernumerariam vere cum illa coalitam, difficilius etiam separandam experirer, quamquam rudera, quæ præsentem quondam cartilaginem



ginem exhiberent, similium perito quam facillime erant distinguenda. Ipsas vero has apophyses atlantis supernumerarias, apophysium transversarum quondam epiphyfes fuisse, evidentissimæ cartilaginis intermediæ jam ossificatæ vestigia relicta exhibebant (*k*), imo maceratione hic contigit, quod etiam in insignioribus apophysibus frequentissime observamus, dextra scilicet apophysis supernumeraria non nihil soluta vacillabat commota satis evidenter supra transversam cui insidebat. Faciicula quæ in superficie interna arcus interioris reperitur pro recipienda apophysi Odontoidea secundæ vertebræ, erat solito latior ob productionem ossæam, quæ supra arcum superius ad decem circiter lineas præeminebat (*l*), ita, ut sic margini anteriori foraminis magni ossis occipitis esset contigua, ejusdem productionis ossææ notabantur etiam aliqua rudimenta inferiora (*m*). Apophyses ipsæ transversæ hujus atlantis consueta longiori figura erant minores, & in extremitate in duplicem
api-



apicem solito evidentiore, superiorem, cui apophysis supernumeraria erat connexa, & inferiorem satis obtusum (n) terminatæ (o).

(a) Vid. Tab. V. Fig. I.

(b) ibid. lit. E, d.

(c) ibid. lit. e.

(d) ibid. lit. a, b.

(e) ibid. lit. a.

(f) ibid. lit. b.

(g) Tab. V. Fig. II. lit. a, b.

(h) ibid. lit. a.

(i) ibid. lit. b.

(k) Tab. V. Fig. I. lit. e.

(l) ibid. lit. f.

(m) ibid. lit. g.

(n) ibid. lit. E. Et jam VESALIUS de Corp.

Hum. Fabric. Lib. I. Cap. XV. pag. 60. Fig.

2, 4, 7. apicem apophysis transversæ in

satis evidentiâ tubercula terminata de-

pinxerat, & WINSLOWIUS in expositio-

ne sua anatomica Traité des os secs §.

57. dicit; apophysin transversam in api-

cem, seu mucronem obtusum terminari

sæpius duplicem. *Qui quelque fois est comme*

double. Hoc in subjecto, cum apophysis


transversa, quæ semper reliquas apo-

phyfes cervicales mole multum superat,

solito minor fuerit, natura in apice du-

plicando videtur fuisse eo actuosior.


(o) Per




(o) Per illa, quæ §. antec. fuerunt descripta, & figura expressa, novum exemplum suppeditatum videmus, quo confirmatur illud, quod jam ILL. SANDIFORT in exercitationibus suis academicis, quæ continuationes sunt egregiarum suarum observationum, Lugd. Bat. 1783. editis apposite monuit, ancylofes scilicet crânii cum Atlante esse frequentiores, quam vulgo creditur. Licet enim COLUMBUS nonnullique alii apud MORGAGNUM lib. de sedib. & caus. morb. Epist. LXIX. art. 8. reperiundi, & ipse MORGAGNUS nec non recentius CL. PAUL in Dissert. de ancylofi argent. 1778, qui talem in Cimeliarchio argenteratenfi asservari asserit, Atlantis ancylofes observarint, tamen illam hujus observationis frequentiam præ ILL. SANDIFORT neminem hætenus habuisse mihi constat; utpote cui in quinque cadaveribus ancylofes cranii cum Atlante miras, & valde notabiles observare datum fuerit. Cum autem, uti egregie in Dissert. de difficili in observationes anatom. epicrifi PRÆSID. ILL. ISENFLAMM & resp. CL. SCHMIDT Erlangæ 1771. pag. IX. ita statuitur: „ Nunquam ut videtur, sat veritas cognosci, sat confirmari potest, quæ quo frequentius eadem sese exhibuerint, eo confirmatur magis, nec si exactissime inter se comparentur,

S


pror.



„ prorsus sic deprehenduntur, semper
 „ eadem, quia minima, nec forte inu-
 „ tilis appareat differentia;” hoc argu-
 mento momentoso incitatus: juvat bre-
 vi epicrisi determinare, quid mea §. an-
 teced. descripta & Tab. V. Fig. I. & II.
 depicta observatio cum hactenus obser-
 vatis ancylosibus cranii cum Atlante
 commune, quid privum habeat. Ancy-
 losis dicitur, apprime statuente hoc clasi-
 fico auctore GAUBIO Inst. pathol. §. 222.
 cum articuli ita obrigescunt, ut eorum
 motus prohibeatur, „ ponit adeo, pergit
 „ ILL. AUCTOR, male affectas illas partes,
 „ quæ ad articulum formandum tuendum-
 „ que faciunt, & varia occasione nascens
 „ læsis ex fractura, luxatione, vulnere
 „ contusione, abscessu, ulcere, tumore,
 „ dolore articulis crebro supervenit;”
 Hoc autem CL. PAUL I. cit. pag. 2. §. III.
 specificè magis ita determinat: „ Ne-
 „ xus ossium cum mobilitate inter se ar-
 „ ticulum efficit: Ast si in enorme au-
 „ getur, ita ut ossa inter sese concre-
 „ scant, ac quasi unum continuum re-
 „ ferant ancylosis vera oritur.” Et ideo
 ab ILL. SANDIFORT Atlantis cum occipite
 concretiones in quatuor primis casibus
 Capit. I. etiam in reliquis in Capit. II. &
 Ill. expositæ, veræ ancyloses ipsi dicun-
 tur, ita quidem ut ad ancylosin casus
 se-



secundi in Capit. I. recensiti malum Atlantis litum seu subluxationem prædisponentem causam fuisse perspicimus; in parte enim dextra solum apophysis transversæ Atlantis cum occipite concretio aderat, ita ut in opposito latere vertebra plane libera esset l. c. pag. 4. Sic in Capit. III. ubi occiput, Atlas & Epistropheum connectebantur, dislocationem harum partium præcessisse, ex situ inverso facile dijudicetur vid. l. c. Tab. III. Fig. 1, 2, . Hæ igitur partes non apposite conjunctæ, inæqualiter se attrahentes, in vario situ varie & aspere se fricantes ad ossium vitia, & pedissequas concretiones in singulis his casibus ansam dedisse non improbabilis conjectura est, dum enim varias ancylosis causas allegaverat GAUBIUS l. ant. cit. apprime concludit: „ raro autem quædam istarum affectionum „ diu inhærere, quin & aliam atque aliam „ sibi comitem adsciscat; unde malum „ insanabilius evadit.” In casu autem quinto ILL. SANDIFORT antecederet citati Capit. I., qui cum mea observatione §. ant. descripta plurimum analogiæ habet, non tam veram ancylosin ex morbo ossium natam, quam potius in primogenio archetypo radicatam singularem configurationem accusavero; hic enim egregie monente ILL. SANDIFORT l. cit. pag. 10, nihil de Atlante cum osse occi-




pitis concretum fuit, „verum ex osse occi-
 „cipitis, in quoque latere, medio ferme
 „inter foramen magnum & nexum cum
 „parte mammillari ossium temporum lo-
 „co, processus exsurgit, dimidium polli-
 „cem longitudine superans, qui in latere
 „dextro ad ramum posteriorem processus
 „transversi Atlantis accedit, & cum eo
 „cohæret. Sic tamen, ut linea distinguens
 „circumcirca appareat; contra in latere
 „sinistro dictus processus non tantum mo-
 „do cum ramo posteriore transversi pro-
 „cessus confluit penitus, sed & cum api-
 „ce, in quem anterior & posterior ramus
 „desinunt, similis tamen linea, ast paulo
 „minus distincta, qualis in nexu proces-
 „sus dextri cum ramo posteriore proces-
 „sus lateralis Atlantis datur, apparet,
 „ubi processus ex sinistra parte ossis oc-
 „cipitis prodit.” Si nunc ad illa, quæ S.
 ant. exposui, etiam figura expressi, soli-
 cite attendimus: nullam concretionem
 osseam præternaturalem, nullum effusum
 callum, neque ligamenta (cum præter
 membranam annuli anteriorem & mem-
 branam annuli posteriorem, vid. CL.
 WEITBRECHT syndesmologiæ Sect. 3. pag.
 84. & 85., ab apophysibus transversis ad
 occiput nihil ligamentosi in hac directio-
 ne reperiatur) officinata in causa hujus
 meæ observationis fuisse convincimur;
 ita,

ita ut potius ob vestigia ossificationis tardioris ad basin harum apophysium supernumerariarum reperiunda vid. Tab. V. Fig. 1. lit. c, ob facieculas in harum extremitatibus superioribus applanatas ibid. lit. a, b, & similibus ossis occipitis facieculis vid. ibid. Fig. 2. lit. a, b, correspondentes, in juventute epiphysin adfuisse intermediam, quæ mobilis motum Atlantis ad occiput quidem difficiliorem faceret, non tamen aboleret, suspicari liceat; idque eo magis, cum & jam in juventute, ut postea a vetulæ corvis amicis percepi, caput non nihil antrorsum inclinatum teneret, magis vero ultimis vitæ annis. An non huic opinioni robur accedit per illa quæ TABARRANI vid. ILL. SANDIFORT l. c. pag. 12. observavit? Hic enim non tantum talem ancylosin breviter descripsit, verum simul fatetur, sibi Florentiæ duo tali morbo adfecta crania esse exhibita, tanto majori attentione digna, quia alterum erat pueri decem annorum, alterum hominis viginti quatuor annos nati ex phtisi pulmonali mortui. Cæterum in hoc mea observatio ab illa ILL. SANDIFORT in casu quinto Capitis I. descripto forte potissimum differt; quod ille tales processus observaverit evidentissime de osse occipitis exsurgere vid. loc. cit. Tabul. II. Fig. 1. litt. l, m, cum interim mei facile
inde



inde solverentur relictis facieculis articulationis mobilis vestigia referentibus, ipsisque apophyseis transversis Atlantis pertinacius adhærerent. His argumentis persuasus hanc meam observationem veram ancylosin nominare non præsumo, quamquam ipse lusus seminium naturale fecerit, quod ingravescente senio effectum ancylosi similem produxerit. Quomodo autem, & cur jam in primogenio archetypo artificiosa natura hæc additamenta Atlanti conciliaverit, res altioris videtur indaginis; quam tamen conjectura, quantum fieri potest, assequi liceat. Caput cum fuerit sat insignis, Atlas proportionem habita gracilior, forte ut ad capitis sustentaculum melius sufficeret, ad aliaque in motibus capitis sustinenda officia par esset, provida natura his additamentis defectum quemcunque forte recuperaverat, nec infrequentem circa vertebrarum potissimum apophyses transversas hunc solertis naturæ esse laborem, ex illa jam a POUPARTIO in academia Regia 1699. edit. germ. curant. STEINWEHR Part. I. pag. 234. facta observatione colligimus, cum præter apophyses transversas ordinarias, in novem vertebrais dorsalibus antè ex utraque parte supra articulationem harum vertebrarum novem alias supernumerarias apophyses


trans-




transversas observaverit. Quo artificio autem usa sit natura, ut hunc scopum obtineret, a vi ejus conservatrice, vti illam in frequentissimis exemplis in historia medica confirmatam videmus, oportet repetere, quæ actuosæ naturæ solertiam, & adorandi creatoris providentiam testatur. Si autem ad facieculam illam in ambitu annuli anterioris auctam, & supra illum potissimum superius prominentem vid. Tab. V. Fig. 1. lit. f, attendimus, & hic seminia jam adfuisse videmus, quæ forte in aliis casibus aucta in causa fuerunt, cur ancyloses ramorum Atlantis cum margine foraminis magni ossis occipitis contingerent completæ & incompletæ, quales apud ILL. SANDIFORT l. c. frequentes & valde singulares enarrantur.

§. VI.

In cadavere militis, quod ad faciendum sceletum artificiale ob sat notabilem, qua eminebat, figuram destinaveram, reperi vertebrae viginti quinque, & cum illas penitus examinarem *supernumerariam* in ordine vertebrarum cervicalium esse observatu erat facillimum; præter



ter vertebrae enim duodecim dorsales; quinque lumbares, consuetis characteribus instructas, in collo vertebrae numerabantur octo, quarum ultima (*a*) ex utroque corporis sui latere superius duas facieculas (*b*), quae ob sat notabilem suam eminentiam etiam tubercula possent nominari, exhibuit; utrique facieculae cartilagine obductae correspondebant duae costulae supernumerariae longae unciam unam & dimidiam (*c*). Hae costulae posterius capitulis (*d*), cartilaginibus in crustatis, facieculis exactissime correspondebant, & coarticulabantur. Quae post capita in collum cum essent extenuatae (*e*), inde linea nonnihil prominente, atque oblique ascendente (*f*) mox iterum latecebant, faciem referentes internam seu anteriorem subconcavam (*g*), externam seu posteriorem inaequaliter convexam cum margine superiore acuto (*h*), & inferiore magis obtuso (*i*); terminabatur autem utraque haec costula antea in tuberculum oblongum crassiusculum (*k*) superius in-



inferiusque obtuse acuminatum (*l*). In alio cadavere militis ad eodem usus destinati vertebrae observavi dorsales tredecim, ita ut decimæ tertiæ utpote supernumerariæ facieculis ex utraque ejus corporis parte reperiundis, duæ itidem costæ supernumerariæ essent coarticulatæ, mobiles, duas uncias longæ, & exactissime cæterum in sua minutie costis ultimis spurii similes (*m*).

- (a) Vid. Tabul. V. Fig. III. vertebra hanc ideo cervicalibus adnumeravi, quia habuit vertebræ consuetæ, alias cervicalis septimæ, characteres absolutissimos, corporis scilicet superficiem superiorem profunde sinuatam, vid. Tab. V. Fig. IV. lit. B, & inferius ad marginem nonnihil adhuc convexam, ibid. lit. (C), apophysin spinosam capitulo terminatam, ibid. lit. b, transversas apophyses longas, & magis posterius reclinatas, sine obtuso non acuminate terminatas, ibid. lit. C, C, neque superius sulco perfossas ibid. lit. d, basis insuper apophysis transversæ dextræ foramine esset perforata, ibid. lit. e, quod tamen ex parte sinistra desiderabatur, & quod præter jam enumeratos characteres hanc vertebra cer-



vicalibus adnumerandam esse eo magis judicaverim, cum subsequens vertebra exactissimos primæ dorsalis characteres, potissimum in utroque latere sui corporis superius facieculam integram, & inferius dimidiatam habuerit.


- (b) ibid. Fig. III. lit. a, a.
- (c) ibid. Fig. III. & V.
- (d) ibid. Fig. III. & V. lit. a, a.
- (e) ibid. Fig. III. & V. lit. b, b.
- (f) ibid. Fig. III. & V. lit. c, c.
- (g) ibid. Fig. III. & V. lit. d, d.
- (h) ibid. Fig. III. & V. lit. e.
- (i) ibid. Fig. III. & V. lit. f.
- (k) ibid. Fig. III. & V. lit. h, h.
- (l) ibid. Fig. III. & V. lit. ik, ik.
- (m) Mirum sane magno MORGAGNO inter cadavera senescenti lusus illos costarum supernumerariarum non fuisse frequentiores, ita ut *semel* solummodo l. c. Epist. anat. V. n. 10, tredecim ipsi visas esse dicat, sicque GALENI sententiam propria experientia confirmatam haberet, qui hæc ita rara esse docuit, ut inter mille *vix* unum tali costarum numero invenias; cum interim HALLERUS l. c. Tom. III. pag. 5. in not. lit. n. cumulum observatorum citet, qui costas numerum duodenarium ex uno alterove latere excedere observarunt, addatque loco mox citato: „ ut tamen minime rarum sit etiam
„ in



„ in nostris sceletis aut in uno latere
„ aut in utroquo vel abundare, vel de-
„ ficere, crebrius est abundare, ut tres
„ decim dorſi vertebræ ſint, coſtæque
„ totidem. “ Cum autem HUNAUT
Memoire de l'Acad. Roy. de Sc. A. 1741.
etiam BERTIN Osteol. Tom. III. vid.
HALL. not. ſup. cit ſupernumerarias illas
coſtas a longitudine proceſſus tranſverſi
ſeptimæ vertebræ aucta potiſſimum re-
petant, & HUNAUT potiſſimum ideo,
apprime MORGAGNO l. ſup. cit. ita mo-
nente: „ propter omiſſam mentionem ſe-
„ dis, in qua decimæ coſtæ tertix fuiſ-
„ ſent inventæ. “ Tale quid in hoc meo
caſu non contigſſe obſervatum eſt quam
facillimum, vertebra cervicalis enim ad-
fuit ſupernumeraria, quæ præter ſuum
proceſſum tranſverſum bene conſtructum
& integrum vid. Tab. V. Fig. III. lit. G,
privas habuit facieculas ad capitula co-
ſtarum ſupernumerariarum recipienda;
eæque his facieculis evidentiffime erant
coarticulata. Ab ipſa enim coſtæ coar-
ticatione veram coſtæ naturam deter-
minari, MORGAGNUS dum de ſua unica cir-
ca coſtas ſupernumerarias obſervatione
loquitur, illamque cum analogâ FALLO-
PIANA obſervatione comparet, ita l. ſup.
cit. ſtatuit: „ Cum his Fallopiæ meæ
„ maxime convenit obſervatio, ut in



„ eo pariter quod adjecit, *coarticulationem*
 „ *nem illam, quæ in reliquis hominibus in*
 „ *duodecima thoracis vertebra esse solet, in*
 „ *iis cadaveribus nihil variasse.*“ Ob tam
 graves itaque rationes Ego CL. HUN-
 NAULT saltem in hac mea observatione
 concedere non possum, quod ipsi con-
 cessit l. c. MORGAGNUS dicens: „ut ejus
 „ explicatio tunc quidem habeat locum,
 „ cum ibi sunt, ubi ipse vidit nempe su-
 „ pra duas costas supremas, ubi autem
 „ ego deprehendi nimirum infra duas in-
 „ fimas, non habeat.“ Hanc itaque ob-
 servationem eo gratiorem judico, quia
 de costis veris coarticulatis superiori-
 bus supernumerariis una cum vertebra
 cervicali octava supernumeraria apud ob-
 servatores, quantum mihi quidem con-
 stat, nihil simile occurrit, cum interim de
 costis spuris supernumerariis vertebraque
 dorsali decima tertia observationes occur-
 rant frequentiores, similemque etiam in
 alio cadavere vid. §. ant. habuerim, in
 quo supernumerariæ tales costæ *mobili* ut
 cum MORGAGNO l. sup. cit. loquar *junctura*
connexæ erant. Scio equidem CL. BRUNS
 Dissert. inaug. exhibente quasd. obser-
 vat. anat., vid. ILL. SANDIFORT Thes. disp.
 Tom. III. pag. 68., illas costulas processu-
 bus transversalibus primæ vertebrae lum-
 borum adscribere, & dicere: „ aut ab
 „ ipso



„ ipsa natura in formando homine ichno-
„ graphice separati, aut vi, casu aut
„ motu diffracti, longiores solito for-
„ veolas articulares, unam aut duas ad
„ corpus vertebræ fingunt, pro costis
„ habiti.“ Quo jure autem similes co-
stulas ab apophyseis transversis repe-
tat, operose facieculas hic in corpo-
re vertebrarum factas admittat, ego
hic non inquiram, concludendo simpli-
citer: duplici hac mea in observatione
simile nihil contigisse, cum actiosa na-
tura supernumerariis costis etiam super-
numerarias concessit vertebrae, & his,
ut vera natura costarum vult, coarticu-
latis. In utroque cæterum hoc cadavere,
in quo viginti quinque numerabantur
vertebræ, in integro tractu columnæ
vertebralis facile ab harum rerum perito
adpercipi poterat, altitudinem corpo-
rum vertebrarum proportionem habita-
nonnihil imminutam, os sacrum quatuor
solum vertebrae spuris, itidem non
valde altis concretum fuisse, & sic ex-
cessum vertebrarum in utroque cadave-
re supernumerariorum, per massam reli-
quarum vertebrarum minorem aliquali-
ter compensatum diceret; quod etiam
MORGAGNUS in mulieris patavinæ cada-
vere, in qua ex utroque latere costas
supernumerarias cum viginti quinque
vertebris invenerat, videtur animadver-
tissi.



tissime dicens l. sup. c. art. 6. : „ erat au-
 „ tem os sacrum paulo brevius facieque
 „ anteriore minus cava.“ Dolendum
 interim, quod hos lusus post maceratio-
 nem prius dexterim, alias in lulum mu-
 sculorum sane inquisivissem; neque au-
 deo conjectura assequi, utrum in primo
 casu costæ illæ supernumerariæ solum ad
 cervicem pertinuerint, vel thoraci si-
 mul etiam inservierint, mobilis sane co-
 articulatio, facies harum costularum an-
 teriores subconcavæ, & posterius in-
 æqualiter convexæ ultimum videntur
 suadere,

§. VII.

In cadavere viri monachii ob gravia
 furta capite plexi, & theatro nostro ana-
 tomico traditi, cum pleuram præpararem,
 in parte sinistra inter costam veram ter-
 tiam & quartam prope corpora verte-
 brarum dorsalia tuber aliquod promi-
 nens (*a*), pleuram ipsam ad hanc vero
 sedem nonnihil rubicundiorē reperi.
 Ablata pleura cum in hoc tuber peni-
 tius inquirerem, observavi de utriusque
 costæ collo hic solito latiore, sede scili-
 cet



cet inter capitulum & tuber intermedia, veram ossis utriusque substantiam intrinsecus elevari, ita ut superior de costa descenderet crassitie digiti minimi (*b*), cum interim inferior crassior indicem diametro æquans (*c*) ascenderet, & dum ambæ hæ costarum verarum propagines ad distantiam decem fere linearum sibi fierent vicinæ, non confluebant, sed intermedio alio osse, ossi sesamoideo satis simili, nonnihilque oblongo (*d*) ita connectebantur, ut utriusque costarum propagini, & ipsi intermedio officulo cartilago esset intermedia (*e*), ipsumque hoc officulum communem his tuberibus intermediam epiphyfin referret; cartilaginum intermediarum in exsicato jam per plures annos osse vestigia satis evidentialia adhuc adsunt, & cum periculum in cadavere recenti facerem, movendo utramque costam, inter utrumque tuber, & intermediam substantiam osseam Diarrthrosin obscuram adesse facile observare poteram (*f*).

(*a*) Tab. V. Fig. VI.


(*b*)



- (b) Ibid. Fig. VI. a.
 (c) Ibid. Fig. VI. b.
 (d) Ibid. Fig. VI. c.
 (e) Ibid. Fig. VI. lit. d, e.
 (f) Consulto in textu §, antecedentis dico tubera illa costarum osseæ substantiæ veras propagines fuisse, bene memor illorum, quæ in Dissert. sup. cit. ILL. ISENFLAMM per hæc MORGAGNI verba monet: „con-
 „ cretiones plures duritiæ solum spectata a festinante anatomico pro ossibus
 „ accipi, & fortasse interdum acceptæ
 „ sunt, cum tamen accurate distinguendæ, & lapideæ, trophaceæ, gypseæ, &
 „ quod sæpius accidit calculosæ sint ap-
 „ pellandæ.“ Simplici tamen aspectu hæc tubera de natura ipsa harum costarum protuberasse, ejusdemque cum iisdem naturæ esse facile confirmatur. Quod autem in hac observatione me summopere attonitum & admirabundum tenuit, fuit his tuberibus intermedia alia substantia ossea, cui ut epiphyssi intermediae utrumque tuber erat conglutinatum. Non infrequentes esse tales costarum confluxiones per illa videmus, quæ HALLERUS l. c. Tom. III. pag. 9. in not. lit. g. multus enarrat; his etiam addenda; quæ CL. BRUNS l. f. cit. observavit, duas scilicet costas superiores coalitas in medio, ut laminam tenuem in duas extremitates
 ster.



sternales, & totidem vertebrales divisam repræsentarint, ipse analogam ante aliquos annos observationem habui, cum costa sexta & septima essent latere dextro coalitæ, & cum sterno fierent propiores in duas forcipis instar dividerentur, duplicique cartilagine ad sternum finirentur, casu præparatum hoc mihi ablatum doleo, alias figura expressissem. Cæterum coalitum illum *S. ant.* descriptum, & *Tab. V. Fig. VI.* depictum, ob singularem illam epiphyisin intermediam eo notabiliorem iudico, cum adorandi creatoris providentiam hic non satis admirari possimus, qui, cum in hoc conformationis vitio periculum adesset, ne requisita costarum mobilitas ob hunc coalitum magnum impedimentum pateretur, artificio intermediæ epiphysis mobilis mobilitatem sic apposite conservaverit. Rationem autem reddere cur ex utraque costa vera substantia ossea ita elevata fuerit, sic nata tubera limites ossificationis, & intermedium novum nucleum osseum cartilagine circum circa terminatum habuerint magnus sane labor, respondeam potius per illa *CL. MAYER Præsid. ILL. ISENFLAMM vid. Comment. III. de dissipili in observat anat. epicrif. pag. 53.* apprime huc facientia verba: „ Vactates scilicet connatas, si in obser-



„ vationum anatomicarum numerum re-
 „ tulerimus, difficilem quoque sæpe ad-
 „ mittere epicrisin. “

EXPLICATIO FIGURARUM.

Tabul. V. Fig. I. Atlas seu vertebra cervicalis prima, singularis figuræ, apophysibus scilicet transversis solito brevioribus instructa, quibus supernumerariæ epiphyses sursum incurvæ ascendentes infident; tuberculum quod corporis locum ad annuli ramum anteriorem tenet, productione, seu efflorescentia ossea sursum majori, inferius breviori & leviori emittens.

- A. Tuberculum in Atlantis parte anteriore seu portione annuli brevior.
- B. Annuli Atlantis pars posterior major.
- C. Apophyses condyloideæ seu articulares superiores, condylis occipitis correspondentes.
- DD. Apophyses transversæ Atlantis solito breviores crassiores, & apice bicorni terminatæ.

EE.



EE. Epiphyfes supernumerariæ furfum incurvæ afcendentes.

F. Foramen magnum.

GG. Apophyfes obliquæ feu articulares inferiores.


HH. Incifura retro apophyfin articularemi fuperiorem parti annuli pofteriori fati profunde inſculpta.

II. Foramina ad radicem apophyſium tranſverſarum.

a. Extremitas ſuperior apophyſis ſupernumerariæ dextræ craſſa, latiuſcula, ſubrotunda, inæqualis, quæ faciecula cartilagine incruſtata eſt terminata.

b. Extremitas ſuperior apophyſis ſupernumerariæ ſiniſtræ, faciecula magis oblonga, declivi, cartilagine difficilius diſtinguenda, apice obtuſo, & retrorſum prominente finita.

cc. Linæ apophyſibus ſupernumerariis, & parti tranſverſarum ſuperiori intermediæ, evidentiffima epiphyſium veſtigia exhibentes, idque potiffimum ex parte dextra.



- dd. Apophysium supernumerariarum superficies magis externa & recurva.
- e. Notabilis ideo inter illas & vicinas apophyses articulares superiores nata incisura.
- f. Faciecula, quæ in arcu minori ad recipiendam apophysin Otondoideam interius est insculpta, ita aucta productione aut efflorescentia ossea potissimum superius, ut ab apophysi basilari fere linea solum distaret.
- g. Similis efflorescentiæ osseæ aliqua etiam rudimenta inferiora.

Fig. II. Os occipitale ut est in externa sede basis calvariæ conspicuum, hic ideo exhibitum, ut facieculæ lateribus ejus insculptæ pro recipiendis apophysibus Atlantis supernumerariis conspiciantur.


AAA. Os occipitale.

B. Processus basilaris.

CC. Apophyses condyloideæ.

D. Foramen magnum.

EE.



EE. Incisuræ laterales seu portiones foraminis lateri.

FF. Foramina condyloidea anteriora.

GG. Foramina condyloidea posteriora.

a. Faciecula lateris dextri, inter apophyses condyloideas, & foramen condyloideum posticum cava, fere duplicata.

b. Faciecula lateris sinistri in eadem sede, inæqualis, longior, & apice posteriorius terminata, exactissime correspondens apophysi sinistræ Atlantis.

Fig. III. Exhibet vertebra[m] cervicalem supernumerariam, ordine octavam, duplici faciecula pro recipiendis costis supernumerariis instructam.

A. Corpus vertebræ.

B. Superior vertebræ sedes sinuata.

C. Inferior margine magis convexo.

DD. Apophytes obliquæ articulares superiores.

E. Apophysis spinosa sat prominens.

FF. Apophyses transversæ.


a, a.



- a, a. Facieculæ ad latus superius in corpore vertebræ satis prominulæ, integræ, & cartilagine incrustatæ.
- b. Capitulum apophysis spinosæ.
- c, c. Apophyses transversæ sine obtuso non diviso neque acuminato terminatæ, neque
- d. superius fulco excavatæ.
- e. Foramen ad radicem apophysis transversæ dextræ.

Fig. IIII. Exhibet costam supernumerariam dextram, longitudine unciaë unius & fere dimidiæ.

- a. Costulæ capitulum in extremitate vertebrali excavatum, facieculæ dextræ correspondens vertebræ superius descriptæ.
- b. In collum nonnihil contracta costula, quod
- c. linea eminente a reliqua portione sensim latiore distinguitur.
- d. Corpus costulæ latius, &
- e. antè subconcauum, cum
- f. Margine superiore inæqualiter aucto, &
- g. Mar-



g. Margine inferiore magis obtuso.

h. Costulæ in parte anteriori tuberculum oblongum, crassiusculum, &

i, k. superius inferiusque obtuse acuminatum.

Fig. V. Exhibet costulam finistram priori similem, quæ scrupulosius examinata, dextra mole major nonnihil videtur, capitulo insuper magis crasso, atque concavo in extremitate vertebrali, & in anteriore tuberculo profundius ad inferiora producto instructa est. Litteræ itaque a, b, c, d, e, f, g, h, i, k, idem quod in figura priori indicant.

Fig. VI. Vertebram quartam, quintam, atque sextam exhibet, & costas veras quartam atque quintam his coarticulatas lateris sinistri, cum tubere ad collum costarum intus ex utraque parte prominente, ossiculo vero his inter medio & utrumque tuber conjungente. Costæ versus extremitatem sternalem sunt abscissæ.

A, B, C. Corpora vertebræ quartæ, quintæ, & sextæ. D,




D. Costa vera quarta latris finistri.

E. Costa quinta.

- a. Vera ossis substantia de costa quarta intrinsecus elevata & descendens crassitie digiti minimi.
- b. Similis ossea substantia crassitie non-nihil indicem diametro æquans de costa quinta intrinsecus ascendens.
- (c) Intermedium utrique costarum Tuberi officulum oblongum.
- d, d. Vestigia cartilaginis superius & inferius officulo (c), & utrique propagini a, b, intermediæ.










Fig. I.




Fig. II.






Fig. III.



Fig. IV.










Fig. I .




Fig. II.



Fig. IV.




Fig. III.

